

山城伏木  
奥野精工標記

礦銅鐵璞石也

倬俊  
至孝

增補元明史略卷之四

日本 讚岐 後藤世鈞 編次

平安 藤原正臣 增補

明下

光宗貞皇帝名常浴神宗長子。

萬曆四十八年八月即位以今年為泰昌元年

補泰昌元年八月罷天下礦稅及監稅中官起用建言得

罪諸臣○贈故帥劉綎秩立廟祀之廢其後因遣使祭陣

亡諸將士○五星鬪東方頃之有白氣長竟天○有如日

者三並出尋乃滅○旌德人舒倬俊性至孝年十二見母

王氏病篤每泣禱祖美應公墓所願以身代一夕倬俊中

熬毒強之藥弗飲泣語母曰昨祖來告兒謂兒死母病當

代母 墓  
失怙 唇言故吏  
恃詩 蓼莪失怙  
父何 怙無怙也  
無怙 無怙也  
心無 無怙也  
瞑目 無怙也  
死也 無怙也

前福王事見三  
卷四十二張  
衙憾也 歌興  
曰以利餌人曰

愈王氏哭之慟倬俊張自熟視曰兒死事小有母在得善  
事兒父而兒兄若弟不至失怙兒無憾矣語畢遂瞑未幾  
其母病果愈里人奇之題其墓曰代母墓蓋童年死孝古  
未有者○丹陽蝗有蒲木王者善禱術獨一家不與禱蝗  
集其田數畝立盡隣田不損一類俱去○帝以邊數告急  
乃令徐光啟督練京兵為內衛因發帑金百萬犒九邊○  
詔起廢官皆抗言得罪降斥謫戍永錮沒身者葉向高  
○帝不豫服崔文昇李可灼藥不起遂崩時九月朔也  
帝在位僅三旬選侍李氏移居于仁壽殿從御史楊漣等  
之議也初鄭貴妃侍神宗疾留居乾清宮及帝嗣位未  
帝知選侍李氏最得帝寵因請立李氏為皇太后移  
求封皇太后帝力疾御門趣舉冊封禮禮部侍郎孫如游

三案 之一  
敢力病集覽力病  
勉力帶疾而起  
也  
洩藥洩共泄同  
典吐瀉之瀉通  
用  
委頰徐鉉曰委  
頰木垂穗狀名  
頰僵也  
戚曉字典戚曉  
國戚也宋史幸  
聯戚曉之貴也  
昌言顯也盛也  
入臨眾哭曰臨  
誥當作誥誥問  
也責讓也  
掖挾持也  
邀求也

三案 之一  
力病集覽力病  
勉力帶疾而起  
也  
洩藥洩共泄同  
典吐瀉之瀉通  
用  
委頰徐鉉曰委  
頰木垂穗狀名  
頰僵也  
戚曉字典戚曉  
國戚也宋史幸  
聯戚曉之貴也  
昌言顯也盛也  
入臨眾哭曰臨  
誥當作誥誥問  
也責讓也  
掖挾持也  
邀求也

力事得寢時都下紛言貴妃使內侍崔文昇洩藥  
由委頰頰群情疑駭外家王郭二戚晚遍朝士泣想  
禁危急狀言鄭李交甚固包藏禍心於是以大義責貴妃  
史左光斗昌言於朝與吏部尚書周嘉謨以十一日  
兄子鄭養性趨貴妃移居慈寧宮封選侍為皇貴  
帝疾大漸召見閣臣方從哲等乾清宮命封選侍為皇貴  
如選侍趨皇長子出曰欲封帝不應群臣謂紅丸者也帝  
鴻臚寺丞李可灼進藥可灼自云仙方所謂紅丸者也帝  
服訖稱忠臣再諸臣退可灼復進一丸明日帝崩選侍  
與心腹閣魏進忠謀挾皇長子自重新群臣入臨為人所  
閣不應一燂大言誰敢匿新天子者東官伴讀王安入曰  
選侍抱皇長子出連乃追及掖外華殿羣臣叩頭  
呼萬歲擇日登極連與左光斗等言皇長子無嫡母生母  
是議令選侍移居非爭數日選侍乃移居皇長子即位  
熹宗皇帝名由校光宗長子補賜太監魏進忠世蔭封乳  
母客氏為奉聖夫人進忠初為帝母王才人典膳因魏朝  
以結王安與乳媪客氏私帝嗣位進忠客氏並有寵進忠

本言少有不日身田生之

嫚罵侮易

後改名忠賢。補罷熊廷弼以表應泰。經畧遼東。廷弼有膽畧知兵。然性剛好。嫚罵物情不甚附。為言者劾。廷弼憤甚。抗疏求罷朝議。以應泰代之。○天啟元年。御史焦源溥等請誅崔文昇等。不可。補三月。遼東經畧表應泰議三路出師。復撫順。未行。奴兒哈赤入寇。薄瀋陽。總兵賀世賢等戰死。城破。應泰撤奉集威寧諸軍。並力守遼陽。引水注濠。沿濠列火器。滿洲兵掘城西。開洩濠水。分兵塞城東水口。渡濠入城。應泰佩劍印。自縊。御史張銓副使可廷魁等俱不屈死。滿洲兵循海而南。朝議遣使分道募兵。前後糜帑數百萬。然所募皆市井烏合。臨陣先走。甚者遁為盜。奸民揭竿從之。中原自此多事。○四月。宦者魏忠賢矯詔殺前大

魏忠賢

市井四登圖解曰市井市中之

濠城下池  
關正字通字彙  
同。按今漕艘  
往來。市石左右  
如門。設版。潑水  
時。啓閉。以通舟  
水。門。容。一。舟。街  
尾。貫。行。門。曰。關  
門。水。門。也。  
糜。典。靡。同。散。也  
市。井。四。登。圖。解  
曰。市。井。市。中。之

氏乱

道四達如井。于  
井路轉集處為  
市。以便交易。  
馬。合。卓。氏。藻。林。  
乍。令。乍。離。如。鳥  
之。集。也。  
贊。畫。贊。助。也。畫  
謀。也。  
推。鑿。推。捷。也。鑿  
河。以。穿。木。和。名  
乃。美。  
纂。漆。師。古。曰。以  
漆。漆。物。曰。纂。  
謬。欺。也。  
悉。知。也。  
調。運。也。  
壘。軍。營。也。

監王安初帝之立也。王安與諸大臣同受顧命。見忠賢侵權。欲重懲之。忠賢與客氏同謀。殺安安。既死。而忠賢益無所憚矣。忠賢闇文義。乃取舊司禮監李永貞入。備贊畫。李明道。崔文昇等。各司監局。探帝意為奸。凡官嬪內侍。與魏客不協者。百計殺之。帝性奸。機巧。親斧鋸。推鑿。纂漆之。謬曰。朕已悉矣。汝輩奸好。○給客氏地。以陵工成。命叙錄魏忠賢。御史王心一。馬鳴起等。先後糾之。帝怒。降調。有差。補時瀋陽遼陽失。京師大震。劉一燝曰。使熊廷弼在。當不至此。帝乃召廷弼於家。廷弼議廣寧用馬步兵列壘三岔河。上天津登萊各置舟師。三方並進。遂命廷弼駐山海關。經略軍務。廣寧巡撫王化貞與廷弼議不合。兵部尚書張鶴

崇禎己曾補心明史略卷之四

熹宗

三

奢崇明叛

命師古曰命名也謂脫名籍而逃亡也仲馮曰顏解大迂直謂避禍自逃其命亦

蕩平蕩平也

右助也

鳴力主化貞議凡廷弼所奏請輒從中沮格之廷弼憤甚至冬廣寧人傳敵兵且渡河兵部趣廷弼出關策應廷弼乃令諸將分守鎮武間陽西平而自出關駐右屯○九月四川永寧宣撫司奢崇明叛奢氏獠獯種也洪武中歸附命為宣撫世守其土數傳至崇明崇明與子寅有逆志招納亡命時以邊事急徵四方兵崇明以兵詣重慶巡撫徐可求汰其老弱餉復不繼遂據城叛蜀土震動崇明殺州遵義新都內江進圍成都布政使朱燾元周著等分門固守石砦女土司秦良玉發兵援成都圍遂解明年夏復慶二年正月滿洲兵渡遼河攻西平堡先是平化貞上言臣願請兵六萬一舉蕩平熊廷弼以為不可廷臣與廷弼議合者御史江東謙等數人餘皆右化貞張鶴鳴篤信

安邦彥叛

賜音叙漢不注辭之及則追捕之故謂之逮

化貞請撤廷弼他用帝不從於是化貞盡發廣寧兵廷弼亦檄諸將來會遇敵共於平陽橋鋒始交游擊孫得功遽走呼曰兵敗矣諸軍皆走總兵劉渠祁秉忠副將劉徵戰死羅一貫自刎西平堡陷得功遂降廷弼師次間陽驛聞敗還時廣寧城中訛言敵已薄城居民驚竄化貞莫知所為單騎西奔遇廷弼於大凌河化貞哭廷弼微笑曰六萬眾一舉蕩平竟如何化貞慚議守寧遠及前屯廷弼曰已晚惟護難民入關可耳乃以已所將五千人授化貞為殿盡焚積聚與諸將先後入關給事中侯震賜等請並逮二人以伸國法遂下獄論死鶴鳴亦罷歸○六月貴州水西土酋安邦彥叛都司李夫常帥兵救之遇伏全軍皆沒於

徐鴻 倡亂

是交水曲靖武定尋旬

崇明之間騷然苦兵共 ○修撰文震孟上言勤政講學之

實疏入忤魏忠賢帝怒謫歸 ○山東妖賊徐鴻孺倡亂深

州王好賢景州于弘志三方同起撫臣趙彥發兵捕之

孺鉅野人萬曆末以白蓮教惑衆黨數千人深州人王森

嘗救一妖狐妖狐斷尾令藏之招人聞異香多歸附之

孺聞香教森死遺賞巨萬子好賢藉其資以結客有異志

景州于弘志以教棒箠會惡少年好賢與通密約鴻孺三

方同起鴻孺攻鉅野縣及鄆縣知縣余子翼逃又進陷鄆

縣勝縣遂踞二城巡撫趙彥發兵捕之賊不能支遂奔官

軍尾其後襲之連戰皆捷賊勢窮感景州于弘志亦為官

兵斬餘賊披靡四散九月鴻孺遂降磔于市王好賢南走

至揚州就擒加趙彥兵 補三年正月遣中官刺邊事帝好

察邊情常遣中官詣關門具事狀奏報名曰較事及魏忠

賢竊柄其黨劉朝等四十五人先後至山海關薊遼經畧

孫承宗疏言中使觀兵自古有戒帝不省 補五月四川總

督朱燮元會諸軍復遵義遂進克永寧降賊衆二萬奢崇

明父子窮蹙率餘衆投水西安邦彥與合兵復犯遵義官

軍敗之禽崇明妻及女弟蜀中遂靖未幾貴州巡撫王三

善為邦彥所襲死崇明勢復張 補七月客氏魏忠賢恐官

中人白其罪惡矯旨賜光宗選侍趙氏自盡幽裕如張氏

別宮絕其飲食天雨妃匍匐承檐溜飲之而死皇后數於

帝前刺客魏過失是年后有娠客氏以計墮之帝用此之

嗣又以帝郊祀日掩殺帝所寵馮貴人左右無敢言者范

票已曾補

投託也

靖安也

自盡自殺也

匍匐以手行也

票已曾補

熹宗

五

儀衛宋史文謂之儀武謂之衛

揚漣

疏恭相告也

烜赫烜音喧火盛也

中表化中等。激揚諷議。魏忠賢頗憚之。於外事不敢大肆。  
補魏忠賢每出車馬儀衛。僭擬乘輿。提督東廠。用許顯純  
 為鎮撫司理刑。鍛鍊殘酷。士大夫多被戕死。○四年六月。  
 御史楊漣疏奏魏忠賢二十四罪。忠賢亦有疏辭。敕疏先  
 下。備極溫諭。次日下漣疏。切責不少貸。諸臣公憤。繼漣上  
 疏者不下百餘人。帝溫旨。悉數忠賢勤勞。責羣臣附和。補  
 五年正月。崔呈秀為御史。先是呈秀按淮陽。高攀龍發其  
 贓私。趙南星議戍之。呈秀寤。夜走魏忠賢所。叩頭乞為養  
 子。涕泣言。南星攀龍輩皆東林邪黨。時忠賢為廷臣。交攻  
 思假事端。傾陷正士。得呈秀恨相見晚。遂用為腹心。日與  
 計畫。復其官。越二歲。遂進兵部尚書兼左都御史。出入烜

赫勢傾朝野。陰排諸異己者。羣小並進。善類為一空。○六  
 月下。都給事楊漣。魏大中。僉都御史左光斗。中書舍人吳  
 懷賢等。於獄俱死。于獄中。御史惠世揚。夏之令。刑部侍郎  
 朱世守。大理寺丞楊一鵬。兵部侍郎劉策等。俱削籍。並以  
論魏客也。補八月。御史張訥請毀天下講學書院。力詆講  
 學諸臣。尚書孫慎行等數人。俱削籍。又列顧憲成已下數  
 人為東林奸黨。悉刊黨人名。示天下。補六年正月。奴兒哈  
 赤入寇。圍寧遠城。參政袁崇煥集將士誓死守。盡焚城外  
 民居。攜守具入城。檄前屯及山海關。凡將士逃至者。悉斬。  
 人心始固。虜兵薄城。進攻。城上火器礮石齊下。殊死戰。虜  
 兵退。明日再攻。遂不能克。奴兒哈赤起兵已來。戰無不捷。

攻無不克。惟寧遠城不下。不憚而歸。事聞。擢崇煥僉都御史。巡撫遼東。駐寧遠。○三月。水西苗老虎阿引等殺賊首奢寅來降。○八月。奴兒哈赤殂于瀋陽城。奴兒哈赤萊武有大略。騎射絕倫。統一諸國。及取瀋陽遼陽。將居于遼陽。貝勒諸臣俱請還國。奴兒哈赤曰。今克此城。天授我以遼陽也。且此地乃明及朝鮮蒙古接壤要害之區。宜居之。遂迎妻子居于焉。明年更築城于遼陽之東五里。太子河邊。遷居之名曰東京。居三年。復自東京遷於瀋陽。遂殂焉。壽六十八。是為清太祖第八子皇太極即位。皇太極狀貌奇偉。勇力絕倫。奴兒哈赤曾委以家事。於是即位。改明年為天聰元年。大赦國中。○補十月。進魏忠賢爵上公。又建其生祠。

生祠 生建祠祭之也

鄭芝龍初見

勸刻也

於西湖。從浙江巡撫潘汝楨請也。詔賜祠額。勒石記功德。閣臣撰文書冊。有以入祠不拜。削籍論死者。○七年六月。

海寇鄭芝龍犯閩中銅山等處。芝龍泉州南安縣石井

官其大父紹祖為泉州太守。葉善繼吏芝龍方十歲嘗戲投石子誤中善繼額。擒治之。見其姿容秀麗笑而釋之。居無何。落落數歲。與其弟芝虎。流入海島。顏思齊黨中為盜。思齊死。眾盜推芝龍為魁。縱橫海上。官兵莫能抗。朝議令葉善繼招撫之。芝龍感思歸命。及降。善繼坐戰門。令芝龍兄弟。泥首芝龍。素德善繼。屈意下之。而一軍皆譁。竟叛去。復踞海島。劫截商民。往來閩廣之間。

○七月。滿洲兵圍錦州。總兵趙率教固守。巡撫袁崇煥遣精兵四千。繞出滿洲兵後。大戰。敗之。魏

忠賢使其黨劾崇煥不救。錦州崇煥乞休。去。以王之臣代

之。○八月。帝崩。無嗣。遺命以信王入繼大統。

毅宗烈皇帝名由檢。熹宗之弟。初封信王。熹宗崩。入繼大

西京已增補元明史格卷之四 毅宗 崇貞元年 七

魏客

如刑人之狀也  
德左傳成三年  
王曰然則德我  
乎疏德加於彼  
彼荷其恩故謂  
荷恩曰德  
稔字典凡積久  
者曰稔任彥昇  
奏彈惡積稔稔  
傲戒也  
安置胡三省曰  
投竄於荒遠州  
郡謂之安置

海氛海氛惡氣也  
海氛海上惡氣  
也度支唐各百  
官志度支掌天

王嘉  
亂倡  
獻賊

下租賦物產豐  
約之宜水陸道  
途之利歲計所  
出而支調之

也扇火動索謂  
之鼓前漢終軍  
傳偃矯制使膠  
東魯國鼓鑄塩  
鉄注如淳曰扇  
熾火謂之鼓索  
字典治器也老  
子道德經天地  
之間其猶橐籥  
乎注索者外之  
積所以受籥也  
籥者內之管也  
以鼓索也淮南  
子鼓索吹埙以  
消銅鉄関課課  
稅也瑣屑瑣繁

標已曾補元月史格卷之四

統○十一月。誅魏忠賢客氏。其黨相繼伏法。法司追論忠

賢等罪。帝命磔忠賢屍。戮客氏屍。天下快之。帝素惡忠賢

深自傲備。廷臣交章劾忠賢。忠賢大懼。以重寶啗信邸。木

監徐應元。求解。帝斥應元。安置忠賢於鳳陽。既行。遣使逮

之。忠賢及其黨並伏誅。籍其家。補罷諸邊鎮守中官。

崇禎元年正月。禁士庶衣飾侈僭。及婦女金冠袍帶等。

命內臣俱入直。非受命不許出禁門。諭戒廷臣結交近

侍。補四月。以袁崇煥督師。薊遼。初崇煥以忤魏忠賢去。至

是進兵部尚書督師薊遼。○七月。鄭芝龍降于福建。巡撫

熊文燦。海一上故多盜。芝龍右猖獗。然有求。撫意嘗敗。官

燦善遇之。芝龍先後擊殺大寇。補寧遠諸營兵。以缺餉大

課縛巡撫總兵官等督師袁崇煥馳至。撫定之時度支大

絀。錦州薊鎮兵相繼譁。戶部尚書畢自嚴言。一歲之出浮

於所入。一百一十三萬有奇。而內供。召買不與焉。帝命廷

臣各陳所見。自嚴擇其可者。先後列上。增鹽引。議鼓鑄。括

雜稅。覈隱田。增關課。皆瑣屑權宜之計。民以重困。○陝西

饑。流賊大起。府谷民王嘉胤倡亂。饑民附之。白水盜王二

等亦合。徒眾劫掠。時承平久。猝被兵。人無固志。延安人張

獻忠從嘉胤。陰謀多賊。中號八大王。其部最強。時稱獻賊。

補安塞馬賊高迎祥亦起。自稱闖王。饑民王大梁等應之。

補二年。帝憂國用不足。從給事中劉懋議。裁驛站。冗卒。山

陝游民仰驛糶者無所得食。皆從賊。○四川總督朱燮元

討奢崇明安邦彥平之。燮元檄雲南兵下。烏撒四川兵



碎也。胥動作切。仰正勻恃也。資也。史記平準昏衣食仰給縣官。

廣通大方貴州總兵許成名由永寧復赤水邦彥與崇明合衆十餘萬來攻變元合成名伴退誘賊而遣兵三路搗其巢四川總兵侯良柱遇賊於永寧與成名合擊大破之斬崇明邦彥俘數千人積年巨寇始靖。補十一

轉正字通轄猶管管總理其吏曰管設間詐為敵國入敵軍

月滿洲皇太極帥軍入寇入洪山口別將陷大安口會遵化山海關總兵趙率教入援戰死全軍覆沒巡撫王元雅與將士憑城拒守城破皆死之閱日京師始得報詔天下勤王滿洲兵已自順義西薄都城尋陷良鄉迴軍至蘆溝橋進逼永定門援軍總兵官滿桂戰沒京師大震。補十二月。月。薊遼督師袁崇煥聞警入援所過諸城皆留兵守帝聞其至喜甚令盡統援軍時所破隘口乃薊遼總理劉策所轄都人驟遭兵怨謗紛起謂崇煥縱敵朝士因前通和議誣其引敵脅和滿洲兵聞之乃設間謂與崇煥有成約語

中者也

聞於帝帝信之遂執下詔獄。○三年五月設曆局徵西洋

詔獄漢時左右

陪臣湯若望羅雅谷供事曆局。○二年五月朔日食失驗

都司空上林中

光啟言臺官測候本郭守敬元時常當食不食無怪今日

都官皆有詔獄

之失雖守敬舊法本末盡善抑亦年遠數贏宜及時修治

蓋奉詔以鞠囚

徒之法詔西洋人龍華民等推崇光啟為監督。補滿洲兵已

因以為名

陷遵化永平遷安灤州皆留兵防守至是東還分兵攻山

贏餘也

海關守將官惟賢力戰乃還攻撫寧昌黎京師道梗督師

推步左傳疏曰

孫承宗總兵官祖太壽在東馬世龍及四方援軍在西承

日月轉運於天

宗遣兵戍開平復建昌聲援始接滿洲兵遂棄永平出冷

猶人之行步故

口而還承宗始復四城。○王嘉胤引陝西人入掠。補陝西

推曆曰推步

入援多逃歸與譁而懼謀者皆命盜神一元破寧塞據之

梗塞也

於賊嘉胤掠延安慶陽隴府谷

聲援卓氏藻林

八月殺前督師尚書袁崇煥。補十二月帝以兵食不足

咨怨咨。嗟也。君牙。小民惟曰怨咨。

魁帥也

地

心計暗以心計度不及取等籌鈞校鈞勘也。校考也。

欲增田賦命戶部協議尚書畢自嚴請畝加三釐於是增百六十五萬有奇合舊所增凡六百八十餘萬海內咨怨

**補**四年四月副將曹文詔破賊于河曲先是王嘉胤久據河曲文詔絕其餉道困之嘉胤遁去為左右所殺其黨共推王自用為魁自用結羣賊高迎祥張獻忠等共三十六營眾二十餘萬聚山西

**補**陝西米脂縣人李自成自成自延綏往依高迎祥號闖將自成性狡黠善走能騎射與姪李過為暴于鄉懼罪逃入甘肅為兵以功陞把總殺王參將遂為賊

○九月遣中官王應朝等監視諸邊軍餉命張彞憲總戶工二部

**補**帝初盡撤鎮守中官委任大臣既見廷臣視關寧宣大山山西軍馬以張彞憲有心計令鈞校戶工二部吏部尚書閔洪學率廷臣力爭帝曰諸臣若殫心為國

朕亦何藉內廷來不能對中

○五年三月工部侍郎高弘圖上言內臣張彞憲奉總兩部之命辱朝廷褻國體言大

勦略取也

格止也

切直不聽疏七上竟削籍禮部主事周鏞亦上言論內臣帝怒削籍

**補**八月副將曹文詔與左光先等分勦宜君清澗米脂合水賊皆大捷文詔在陝大小數十戰功最多巡撫范復粹上功狀為兵部所格賞不行

**補**九月賊將高迎祥羅汝才張獻忠等分道四出連陷太寧隰州澤州壽陽諸州縣全省震動部議令宜大總督張宗衡駐平陽巡撫許鼎臣駐汾州分地守禦已而李昇賀人龍艾萬年將關中兵至鼎臣檄以自從宗衡怒其不從已檄之還三將莫之適從賊乘間入據磨盤山出陷交城文水澤州遼州平

通從專主也左

傳一國三公皆誰適從

扼字彙抑也

撫字字變也卷也

順<sup>補</sup>六年二月流賊犯畿南河北總兵曹文詔等屢敗之  
<sup>補</sup>七月滿洲兵陷旅順<sup>補</sup>十一月賊盡集河北屢為諸將  
 所敗乃詭辭乞降監軍內臣楊朝進信之為入奏會天寒  
 冰合賊乃渡河而南河南軍無扼之者遂陷澠池伊陽廬  
 氏巡撫元默督軍禦之賊由間道入內鄉大掠南陽汝寧  
 直走湖廣賊始起陝西高迎祥最強李自成屬焉及渡河  
 自成別為一軍<sup>補</sup>七年正月賊張獻忠等突漢南州縣遂  
 陷夔州遠近皆震○三月山陝大饑民相食發金賑之<sup>補</sup>  
 四月滿洲定官名又改瀋陽為盛京○六月江西饑連賊  
 益多進士陸運昌上撫字八條帝可其奏<sup>補</sup>賊犯鄖陽商  
 南總督陳奇瑜檄陝西河南湖廣兵擊大破之擒其魁數

人張獻忠奔商洛高迎祥李自成遁入興安車箱峽官軍  
 圍之賊大窘以重寶賄奇瑜左右及諸將偽請降許之縱  
 遣賊出峽即大譟屠所過七州縣畧陽賊數萬亦來會閑  
 中大震<sup>補</sup>七月滿洲皇太極伐察哈爾旋師寇大同宣府  
 攻陷城堡數十京師戒嚴竟陷萬全左衛乃太○八月帝  
 憂寇詔發各鎮兵四萬五千豫備賊衝突凡十三營<sup>補</sup>十  
 一月逮陳奇瑜下獄以洪承疇代之高迎祥張獻忠李自  
 成等自陝西東出關陷陳州破汜水固志大會於滎陽遂  
 陷穎州知州尹夢鼐指揮李從師等皆戰死賊每營數萬  
 因糧宿飽人有副馬官軍兵寡備多饋餉不繼且馬少總  
 兵左良玉在懷慶與督師巡撫議不合檄調不時應帝命

慘毒痛也。酷毒也。

驗俗驗字。鋼正字通俗謂。釜為鋼。

洪承疇出關急勦限六月平賊補八年正月賊陷鳳陽焚皇陵殺軍民留守朱國相等戰死是時賊之慘毒不可舉言至有縛人之夫與父而淫其妻女然後殺之或剖孕婦腹驗男女胎或以大鍋煮油擲孩子於內觀其跳躍為樂者補初洪承疇出關至信陽諸將畢會賊見河南兵盛六月分路奔還陝西張獻忠由英霍取道麻城入陝會高迎祥李自成於鳳翔副將艾萬年柳國鎮等戰歿總兵官曹文詔憤甚以三千人大戰斬首五百追北三十里賊伏數萬騎合圍文詔徒步轉鬪與遊擊平安等二十餘人皆死補八月以盧象昇進兵部侍郎總理山西陝西軍務以賊已蔓延半天下洪承疇一人不能顧也補九月洪承疇破

滿洲建國號曰大清

賊黨推李自成為闖王

整屋整張流切。屋音質山曲曰屋。整水曲曰屋。

賊於渭南補九年正月高迎祥等圍滁州盧象昇帥兵來援大戰於朱龍橋賊連營俱潰西入歸德分道犯南陽裕州象昇擊敗之賊精銳幾盡補四月滿洲建國號曰大清改元崇德補七月清兵入昌平連陷畿內州縣乃下詔徵諸鎮兵入援皆不敢戰八月清兵退去補孫傳庭代洪承疇為巡撫銳意滅賊與副將賀人龍等擊賊首高迎祥於整屋擒之獻俘闕下磔死賊黨乃共推李自成為闖王補諭廷臣助餉未幾又括勦戚文武諸臣馬開銀鐵銅鉛諸礦補盧象昇擊賊屢有奇勝賊勢漸衰大學士溫體仁忌其功以王家楨代象昇家楨故庸才賊無所憚補十月工部侍郎劉宗周累疏陳時政語多激切為溫體仁所忌請

朝鮮降于清

告去。至天津。聞京師被兵。留不行。上疏極言體仁奸邪致刑政乖舛。及宦官不宜總軍務。凡數百言。帝怒斥為民。補十年正月。張獻忠等自襄陽順流東下。犯安慶。連營百里。詔左良玉馬嶺劉良佐合兵往援。大破賊。賊復出太湖。敗官軍於鄆家店。殺參將四十餘人。遂陷和州。劉良佐赴援賊始遁。獻忠入湖廣。補二月。清兵攻朝鮮。克王京。圍國王李倧於南漢山城。已復破江華島。倧遂出降。補三月。以楊嗣昌為兵部尚書。嗣昌有口辨。帝以為能。所奏請無不從。議大舉平賊。分各省官軍為四正六隅。隨賊所向征討。因增兵十二萬。增餉二百八十萬。民大困怨。帝下詔。有勸累吾民。一年除此腹心。大患語。時福建巡撫熊文燦大言。自

辦致力也

譙讓以辭相責

也勸勞也

詭足辦賊。嗣昌薦之。命總理南京河南山陝川湖軍務。文燦大募粵人及烏蠻善火器者。以從。已見賊勢盛。連疏言招撫。帝譙讓嗣昌。乃條上用兵事宜。刻期明年二月平賊。然文燦終主撫。新增勦餉多。資以撫賊。嗣昌陰主之。明年以滅賊踰期。請貶削。洪承疇等秩而置。文燦不罪。補十月。李自成窺蜀中。空虛。乘間陷寧羗。破七盤關。分三道入蜀。總兵官侯良忠禦之於綿州。戰死。遂連陷諸州縣。進逼成都。洪承疇等帥兵來援。自成乃由洮州入番地。官軍轉戰千里。不解甲者二十七晝夜。自成引殘卒竄入岷州。補十一年正月。裁南京冗官。補四月。副將孫應元等連敗賊於鄭州。賊謀犯江北。應元等扼其前。復連敗之。賊渠劉國能

馬士秀先後請熊文燦降張獻忠為左良玉所敗亦乞降  
 良玉知其詐請急擊之文燦不聽而受之補九月清兵分  
 路入墻子嶺青山口薊遼總督吳阿衡防之戰死補監視中  
 官鄧希詔遁走復盧象昇督宣大山西兵入衛補十月盧  
 象昇至帝命與中官高起潛督援軍太學士楊嗣昌與起  
 潛主和象昇主戰議不合清兵分三路南下補李自成復  
 謀犯蜀馬科賀人龍拒之乃走漢中又為左光先所扼其  
 黨皆降惟自成東遁洪承疇設伏於潼關之南原大破之  
 自成妻女俱失徙數騎遁商洛時關中賊略盡張獻忠已  
 降惟羅汝才等十餘部往來豫楚窺陝西亦以求撫給熊  
 文燦孫傳庭復敗之於閿鄉尋得文燦止兵檄快々而還

閱符分切

未幾承疇傳庭皆入衛北行賊遂不可制補十二月清兵  
 已陷幾輔城數十前太學士高陽孫承宗死之轉戰至山  
 西總兵王樸引兵還鎮盧象昇引軍至鉅鹿高起潛擁關  
 寧兵在雞澤相距五十里象昇遣使乞援不應行至蒿水  
 橋力戰死補十二年二月清兵北而至天津先是劉宇亮  
 自請督察軍情抵保定聞盧象昇敗懼甚急趨晉州不敢  
 戰清兵出青山口東歸帝逮治失守封疆諸臣三十六人  
 同日棄市補四月總兵左良玉敗賊於鎮平關補張獻忠  
 在穀城擁兵索餉日肆劫奪至是復叛毀穀城陷房縣左  
 良玉等追至羅猴山遇伏大敗時李自成亦出收餘眾往  
 依獻忠補八月詔逮熊文燦論死以左良玉有大將才拜

李自成 洛陽 福

席捲旬會。捲與卷同。詩邶風。我心匪席。不可卷。前漢賈誼傳。過秦論。席卷天下。梛腹當从木偏。梛虛也。正字通。凡物餓耗曰梛。人餓曰梛腹。梛取也。

平賊將軍討賊張獻忠屢敗於興安。求撫不許。其黨多來降。軍聲頗振。補十三年二月。左良玉大敗張獻忠於太平。斬賊渠十六人。補十四年正月。張獻忠與羅汝才合。敗官軍於夔州。賊勢大張。轉戰入蜀中。越成都。陷瀘州。入巴州。官軍追擊之於黃陵城。賊密遣精卒行篋谷中。乘高馳下。左良玉軍先潰。參將劉士傑等戰死。賊遂席捲東出。四川。補李自成自鄖陽攻洛陽。陷之。殺福王常洵。先是援兵過洛者。喧言先帝困天下。以肥王。今王府金錢山積。乃令吾輩梛腹。死賊尚書呂維祺。勸王散財餉士。不從。至是官軍引賊陷城。維祺被執。不屈死。賊殺王勺。其血雜鹿肉以食。曰福祿酒。火王府。散金以賑饑民。補二月。張獻忠偵襄陽無備。自率輕騎。一日夜馳三百里。殺將吏。奪軍符。給入襄陽城。夜半從中起。縱火。城陷。賊縛襄王翊銘。屬酒曰。吾欲借王頭。使嗣昌以陷藩。伏法。遂與貴陽王常法同遇害。參議張克儉。遊擊黎民安等死之。初。太學士楊嗣昌與左良玉督師討賊。踵襲熊文燦故智。主招撫。賊勢益張。不可收拾。遂至喪兩親。藩時嗣昌自蜀旋師。至荊州沙市。聞城陷。二王殉難。憂懼不食死。補三月。清兵圍錦州。補五月。帝召對廷臣。語及福王。泣下。太學士范復粹曰。此乃天數。帝曰。雖氣數亦賴人事。挽回復粹不能對。尋致仕去。補七月。錦州圍久。洪承疇調吳三桂等率兵十三萬進次松山。皇太極自督戰。大敗官軍。吳三桂等夜遁。軍士死者無算。總兵

張獻忠 襄陽 王

兩親藩襄王貴陽王也

無備。自率輕騎。一日夜馳三百里。殺將吏。奪軍符。給入襄陽城。夜半從中起。縱火。城陷。賊縛襄王翊銘。屬酒曰。吾欲借王頭。使嗣昌以陷藩。伏法。遂與貴陽王常法同遇害。參議張克儉。遊擊黎民安等死之。初。太學士楊嗣昌與左良玉督師討賊。踵襲熊文燦故智。主招撫。賊勢益張。不可收拾。遂至喪兩親。藩時嗣昌自蜀旋師。至荊州沙市。聞城陷。二王殉難。憂懼不食死。補三月。清兵圍錦州。補五月。帝召對廷臣。語及福王。泣下。太學士范復粹曰。此乃天數。帝曰。雖氣數亦賴人事。挽回復粹不能對。尋致仕去。補七月。錦州圍久。洪承疇調吳三桂等率兵十三萬進次松山。皇太極自督戰。大敗官軍。吳三桂等夜遁。軍士死者無算。總兵

李自成  
唐王

官曹變蛟走入松山與承疇堅守。補八月張獻忠棄襄陽連陷樊城當陽諸州縣左良玉從南陽間道進兵大破之信陽降其眾數萬獻忠被重創東遁時羅汝才既合李自成自成踞河雒有眾五十萬獻忠眾散且盡走依自成自成欲殺之羅汝才曰不如留之使擾漢南分官兵力乃給以五百騎俾遁去獻忠東馳入霍山。補十一月李自成既破河南勢大盛移兵陷南陽殺唐王聿鎮總兵官猛如虎死之賊再攻開封。補十五年二月松山圍久食盡督師范志完不能救城破巡撫邱民仰總兵官曹變蛟等死之洪承疇與總兵祖大樂皆降清寧遠關門勁卒盡喪錦州亦下。補五月張獻忠復出攻舒城據之連陷廬州六安等諸

中原  
禍亂

星羅羅列也漢揚雄曰渙若天星之羅浩如濟水之波。碁置置玉篇立也碁置典碁時同集覽時立也兵如碁之布立也

州縣。南京大震。補七月開封圍急帝命左良玉赴援良玉見賊盛一夕拔營走襄陽眾皆潰。補九月巡撫高名衡議決河灌賊賊偵知之移營高阜驅難民數百決河河水自北門入貫東南門出廬舍人民蕩盡賊乃拔營西去時河南郡邑無不殘破朝廷不復設官遺黎多結寨自保或降賊或受朝命復互相吞併中原禍亂於是為極明年夏帝乃下詔蠲租赦罪已不可為矣。補十一月清兵入薊州連陷畿南山東州縣時關內外並建二督又設六巡撫八總兵星羅碁置無地不防而事權反不一警報至急徵諸鎮入援而清兵已陷薊州分道南下河間以南多失守至山東魯王以派自殺。補十六年正月李自成陷承天自成初



李自成 號奉天 義大元帥

復輿竹輿也

無遠圖所得城邑輒焚燬棄去及灌開封席捲河南群賊皆來附有衆百萬始侈然以為天下莫與爭思擅名號遂犯承天焚獻陵徇下旁近州縣自成尋襲殺汝才并其衆羅汝才代天撫民德威大將軍自成尋襲殺汝才并其衆改襄陽曰襄京據之設官屬補五月張獻忠連陷蘄黃武昌執楚王華奎以復輿沈之西湖大殺楚宗及居人浮屍蔽江獻忠遂稱武昌曰京城設六部五府據之補八月清主阜太極殂壽五十二是為太宗其第九子福臨年甫六歲即位初其母妊時夢一神人抱一子授之曰此統一天下之主也母受置膝上其人忽不見既寤以語太宗太宗曰是異祥子孫太慶之兆也已生而神靈志量非常至是

李自成 稱

羅爾雅風而雨曰大風揚塵土從上下也

奄有奄大也詩周頌奄有四方

即位改明年為順治元年叔父和碩睿親王多爾袞理國事稱攝政王補十月李自成破潼關遂陷西安延安諸郡分兵四掠所至風靡乃詣米脂祭墓改延安曰天保府屠鳳翔傳檄榆林參將劉廷傑與總兵尤世威王世欽等集衆城守血戰七晝夜婦人孺子皆發屋瓦擊賊城陷無一降者賊遂乘勝陷寧夏慶陽甘州三邊俱沒補十七年正月朔木風霾陽城地震補李自成僭稱王于西安國號木順改元永昌補先是張獻忠自湖南入江西連陷吉安袁州建昌撫州諸郡自荊州趨蜀遂陷成都蜀中郡縣俱沒時中原多故諸將無暇西顧獻忠遂奄有四川未幾獻忠以病死于蜀中補二月李自成陷太原遣別將犯畿南陷

要害漢昏注。要  
害於我為要。於  
敵為害

周遇  
吉守  
寧武  
關死  
于賊

大礮礮俗作砲  
大礮和名伊志比  
屋天工開物曰  
紅夷砲鑄鉄為  
之身長丈許用  
以守城中藏鉄  
彈恍火藥數斗  
飛激二里膺其  
鋒者為礮粉  
闔家闔總令也  
漢昏武帝紀闔  
郡不薦一人

京城

國君死社稷禮  
曲禮國君死社  
稷注死社稷謂  
國亡與亡也正  
義云公羊傳說  
國滅君死正也  
故禮運云君死  
社稷無去國之  
義

義藜剪燈新話  
曰一片春光誰  
是主野花開滿  
鉄藜藜注鉄藜  
草名子有三角  
刺人宋人始作  
鉄藜藜東陽之  
園再與布鉄藜  
藜伴道金人逐  
之中者十踏七  
八自是競為兵

真定帝下詔罪己發帑金五千治守具詔天下勤王左都  
御史李邦華請南遷及太子撫軍皆不報賊勢急復遣內  
臣高起潛杜勳等分監邊鎮及近畿要害補先是薊遼總  
督王永吉請移寧遠總兵吳三桂於關門選士卒策應京  
師學士陳演等持不可賊逼帝決計行之而軍不能猝至  
補總兵官周遇吉守寧武關李自成薄之遇吉發木礮殺  
賊萬人設伏城中誘賊入復殺數千人城毀復完者再自  
成悉力攻破之遇吉馬蹶被執罵賊死妻劉氏率婦女登  
屋射賊自成縱火焚之闔家皆死城中士民無降者自成  
謂衆曰此去歷木同陽和宣府居庸皆有重兵倘盡如寧  
武奈何不如且還俟再舉而木同宣府降表相繼至自成

大喜遂長驅而東至居庸關補三月李建泰自保定疏請  
南遷帝召廷臣於平臺諭曰國君死社稷朕將焉往補李  
自成入居庸關陷昌平攻平則彰義等門城外三木營皆  
潰降火車巨礮蕪藜鹿角皆為賊有賊反礮攻城仰語守  
兵曰亟開門否則屠矣守者懼空礮向外不實銘子徒以  
硝燄鳴之猶揮手示賊退乃發補李自成陷京城帝先殺  
公主次殺袁妃周后自經于坤寧宮帝登萬歲山自經補  
城陷帝登萬歲山望南城烽火徹天歎息曰苦我民耳遂  
令送太子定王永王於外戚周田二家劍擊令皇太后  
自盡翠日昧爽內城陷鳴鐘集百官無至者帝復登山書  
衣襟為詔曰朕涼德藐躬上于天咎然皆諸臣誤朕無面  
目見祖宗自去冠冕以髮覆面仇賊分裂勿傷百姓一人  
以帛縊於山亭太監王承恩從死自成種笠縹衣乘烏駝  
馬入承天門登皇極殿據御座大索帝后期百官三日朝  
見朝廷制度倖意紛更諸臣死節者數十人官人魏氏等

西示已曾甫

殺宗

十八

官賊

殉難之臣

其三 社討

備。凡經戰之場。過沙皆有鉄蒺藜。故戰場謂之蒺藜沙。支始云。漢文帝時。晁錯言。守邊議云。具蘭石布渠。蒺藜也。渠荅。鉄蒺藜也。然則漢初已有其物。非始于宋。雖然。非三代仁義之守也。  
鹿角。集。以連枝木。環營樹之。如鹿角然。故名。鹿角。和名。左加。改幾。  
俱當作懼。  
鈴子。正字通。鈴。錫類。生蜀郡。平。沃。今銀坑。處皆有之。一名黑錫。

三百餘人。俱赴御河。死。賊發帝后。以柳橙置東華門外。太子及定王。王永。王。於官中。襄城伯李國楨。請賊。魏帝。以天子。禮。斬。衰。後。步。從。之。○賊之入。居庸關也。太監杜之秩。迎降。賊騎薄彰義門。太監杜勳。縋城上。入見。太內。張皇。賊勢語。守。璫。輩。曰。吾黨富貴自在也。是夕。太監曹化淳。開門。降。內臣。殉難者。惟王承恩一人而已。○殉難之臣。范景文。倪元璐。施邦曜。凌義渠。王家彥。孟兆祥。馮世奇。劉理順。吳麟徵。周鳳翔。汪偉。吳甘來。王章。陳良謨。陳純德。趙讓。巡。許直。成德。金鉉。干騰蛟。姚成。宋天顯。李邦華。滕之所。阮文貴。張應選。張世禧。李國楨。劉文炳。鞏永固。張慶臻。衛時春。王國興。李若珪。高文采。陳貞達。毛維張。劉忠嗣。金毓峒。李守鏐。蔡懋德。盛應時。徐有聲。李若葵。輩數十人。○四月。遼東總兵。

賊

錫白。故鈴為黑。錫。李時珍曰。鈴。易。沿流。故謂之。鈴。鈴子。彈丸也。

平西伯吳三桂聞京師陷帝后殉難遂縞素發哀乞師于

清討賊先是三桂在于寧遠城及寇患急詔封三桂平

山海關師于清三桂自成執三桂父襄作書招三桂受

四萬兩遣散將唐通犒之別以賊兵二萬守遼三桂伴受

其金曰願一見東宮而降而出不意盡行砍殺將負重

傷。逃。歸。三。桂。致。書。絕。父。云。兒。以。父。陰。熱。聞。義。訓。得。待。罪。戎

行。日。夜。勵。志。冀。得。一。當。以。酬。聖。眷。側。聞。聖。主。晏。駕。臣。民。僂

辱。不。勝。耻。裂。猶。意。吾。父。素。負。忠。義。大。勢。雖。壯。猶。當。奮。一

擊。誓。不。俱。生。何。乃。隱。忍。偷。生。訓。以。非。義。父。既。不。能。為。忠。臣

兒。亦。安。為。孝。子。乎。自。成。怒。即。盡。戮。襄。家。口。三。十。餘。人。率。兵

往。戰。三。桂。痛。哭。誓。師。令。其。兵。皆。薙。髮。擊。賊。關。門。軍。聲。大。振

清。多。爾。袞。總。鐵。騎。數。萬。繞。出。三。桂。右。所。向。披。靡。自。成。大。潰

志。三。桂。追。北。四。十。一。里。又。破。之。永。平。○補。李自成駐兵永平吳三桂使人議和  
並請太子自成命其將張若麒奉太子赴三桂軍中請各  
止戰三桂允之既盟自成旋師三桂整軍而行移檄播告  
遠近自成聞報驅百姓于崇文宣武門外毀折民房焚官

曰蕭帽本卷人首服以羊毛為之謂之纒帽即今纒笠也  
纒說文帛青白色也。紜名淺青色也。  
駁玉葡萄馬色不純也。  
纒城說文。纒以繩有牙懸。左傳。傳公卅年。燭之武夜縋而出。注。縋懸城而下也。  
天內禁中也。  
張皇皇大也。  
頤也。  
齊賜也。  
斫殺斫也。斫刀斬也。  
眊裂集覽。眊目眊也。裂破目眊。

殿悉銳西行。輜重無算。五月朔，皇太子在吳三桂軍中。傳諭京中，官民各宜整肅，靜俟。士民大喜，相慶。三桂兵至榆河，清多爾袞檄其西行，追李自成。三桂請發太子入都，多爾袞不許。三桂夜潛逸，太子于民間。至保定，賊還兵而鬪，奮擊破之。又追破之于定州，自成數真定防三桂，又屢敗西走，入山西。三桂以兵逐之，自成數戰不勝，遂棄山西走西安。三桂還軍京師，清晉爵為平西王。初三日，京城傳呼皇太子至，百官迎候於朝陽門外。駕至，則清攝政王多爾袞也。多爾袞入武英殿受朝賀，問漢官何人最賢，眾舉李明睿。對命為禮部左侍郎。明睿以病辭。多爾袞曰：「爾朝皇帝尚未收斂，明日即欲令京城官

清多爾袞 入武英殿 受朝賀

清主 入都 于燕 京 已下 都增 補

言其怒之甚  
難髮難周禮注  
鄭氏曰：難讀如繫。髮俗作刺。王篇除髮也。  
晉典：進同。  
竣止也。  
示玉蕭示，語也。  
以夏告人曰示也。  
削頭除髮也。

民等哭臨，無神主，以何哭臨？無謚，號何？以題神主。明睿聞言，大慟。多爾袞義之，即命議謚於朝房。謚帝為懷宗，端皇帝。周皇后為烈皇后。萬姓哀號三日，尋命造陵。明睿經營相度，不十日竣事。多爾袞出示京城，令官民除服，削頭衣冠，悉遵清之制。清主遂入都于燕京。福王立於南京，謚帝曰毅宗烈皇帝。周皇后曰孝節皇后。

設四

帝由松福王常洵子，神宗孫也。崇禎十七年四月，京師陷。毅宗殉社稷，時由松避賊舟次淮安。南京府部科道等官會議推戴，討賊遂立為帝。五月，帝即位，召兵部尚書史可法、戶部尚書高弘圖、鳳陽總督馬士英等入閣辦事。其他進官有差，可法請督師江北，士英專國。設淮楊徐泗

轉正字通猶管也。戰空裏之以金如管也。管轄之義。取此管總理其吏曰管。

戮典勅通勅并力也。聯絡繼末絕也。鼓振動也。標下標。字典。旗也。標下。旗下也。

鳳壽滁和四鎮。以劉澤清高傑劉良佐黃得功轉之。傑舊賊將也。通李自成妾邢氏。挈之來降。陝督孫傳庭令傑與白廣恩為前鋒。二將各不相下。遂潰。傑由山西河北率兵南下。大肆劫掠。抵揚州。揚人不納。傑攻之。史可法申解之。久之始移駐瓜州。太良佐開鎮臨淮。士民不服。互訐得功。薄廬。又提兵與傑爭淮揚。戰不勝。以太僕少卿萬元吉監江北軍。解之。元吉貽得功書。期共戮力王室。得功自明無他欲。聯絡各鎮。鼓勇殺賊。元吉以得功書馳示傑等。始罷兵。隸傑可法標下。為前鋒總兵官。○史可法馬士英各奏吳三桂殺賊功。封三桂勳國公。○清兵西伐。李自成斬其將劉宗敏。田見秀等。賊眾大潰。自成棄西安南走。○加應

响 典智同

督催 閩浙 金花 銀兩

崇禎 殺宗烈皇 帝年號

直 謂宿於禁中 以備非常也

天巡撫左懋第。兵部侍郎。經理河北。聯絡關東。命僉都御史程世昌巡撫應天。時山東河北多殺偽官。響應。○馬士英奏薦欽案阮大鍼。欽案者魏忠賢逆案。欽宗所定也。賜冠帶。陛見。舉朝大駭。高弘圖請下九卿會議。呂大器詹兆恒等連疏糾。不聽。大鍼召對。稱旨。竟用為江防兵部侍郎。○左都御史劉宗周。御史李模等。疏論時事。弊其辭痛切。或為馬士英尼不得上。或報聞而已。○遣大監王肇基督催閩浙金花銀兩。肇基原名坤。即崇禎朝肆惡淮陽者也。太學士高弘圖等諫止之。○湖廣巡按御史黃澍。同承夫。守備太監何志孔。入朝求召對。既入。澍面糾馬士英奸貪不法。淚與語下。志孔復前。佐澍言其無上諸事。士英稱疾出直。而以金幣

山東 降子 清

太妃 来自 河南

約率也率計  
數之名  
點檢也點檢  
猶考察

餽福邸舊闔田成張執中等兩闔向帝曰主上非馬公不  
得立茲逐馬公天下皆議主上背恩矣且馬公在閣諸事  
不煩主上可以優閒自在馬公去誰復有念主上者帝嘿  
然即賜諭留澍復連上十疏爭之帝屢諭趨澍赴楚乃去  
○六月清人傳檄至濟寧山東降于清李建泰謝陞馮銓  
降皆為清內院太學士○時朝廷舉措失人賞罰乖章正  
宸陳子龍等諫疏荐上俱不聽○八月太妃来自河南帝  
諭戶工部限三日內搜括萬金以給賞賜太監諸朝進請  
給工料錢糧約數十萬工部尚書何應端等苦點金無術  
懇祈崇儉工料李清亦疏請節省不聽又詔選內員選官  
女閭巷駭然科道李維樾等疏諫亦不聽○加翼戴恩史

行納 貢例 立開 納助 工例

原生謂諸生受  
廩米者也

可法馬士共各進官有差○九月予北京殉難諸臣謚贈  
官有差○淮揚屢請餉帝以東南餉額不滿五百萬江北  
已給三百六十萬豈能以有限之財供無已之求命淮撫  
甲仰與劉澤清通融措辦時澤清大興土木造宅淮安無  
意往北仰與其事仰故馬士共私人也士共請免府州縣  
童生應試上戶納銀六兩中戶四兩下戶三兩得赴院試  
又詔行納貢例廩生納銀三百兩增六百兩附七百兩又  
立開納助工例武英殿中書納銀九百兩文華中書一千  
五百兩內閣中書二千兩待詔三千兩拔貢一千兩推知  
銜一千兩監紀職方萬千不等皆以助軍興也時為之語  
曰中書隨地有都督滿街走監紀多如羊職方賤似狗糜

清多 前哀 致史 可法 書

起千牛塵拔貢一呈首掃盡江南錢填塞馬家口奉化布

效包胥之哭楚 平王有太子名 曰建使伍奢為 太傅費無忌為 少傅無忌諧建 欲入為亂平王 召奢囚之而使 人殺建建亡奢 有二子無忌又 殺平王召之兄

尚欲往弟員曰 到則父子俱死 不如奔他國借 力以雪父耻尚 曰汝能報父讐 我將歸死尚至 楚即并殺奢與 尚也員遂亡往 吳說王闔閭擊 楚大破之遂入 楚都郢時平王 既卒子昭王立 員求昭王既亡 不得乃掘平王 墓出其尸鞭之 三百然後已始 楚人申包胥典 員為交員之亡 也謂包胥曰我 必覆楚包胥曰 我必存之至是 包胥亡於山中

起千牛塵拔貢一呈首掃盡江南錢填塞馬家口奉化布  
衣方翼明何光顯等抗疏請誅馬士英劉孔昭詔戮於市  
籍其家遠近為訟冤○十月命鑄弘光錢○清攝政王多  
爾袞致書史可法其略云比聞道路紛紛多謂金陵有自  
立主者夫君父之仇不共戴天春秋之義有賊不討則故  
君不得安葬新君不得即位所以防亂臣賊子法至嚴也  
闖賊李自成稱兵犯闕手毒君親中國臣民不聞加遺一  
矢平西親王吳三桂獨效包胥之哭朝廷感其忠義嚴整  
貔貅驅馳梟獍入京之日首崇懷宗帝后謚號卜葬山陵  
悉如典禮勛戚文臣咸在朝列恩典有加耕市不驚秋毫  
無犯方擬遣將西征戮力同心以報爾君父之仇彰我朝

廷之德豈意南州諸君子苟安旦夕頓忘寔害予甚惑之  
夫國家之定燕都乃得之於闖賊而非得之於明朝也賊  
毀明朝之廟主辱及先王國家不憚征繕之勞悉索敝賦  
代為雪恥萬世闖賊但為明朝寇慝未嘗得罪於國家徒  
以薄海同仇伸大義今若擁稱尊號便是天有二日復為  
勍敵予將簡西征之銳卒轉旆東征且擬釋彼重誅命為  
前導夫以中華全力受制潢池而欲以江左一隅兼支大  
國勝負之數無待蓍龜諸君子果識時知命切念故主厚  
愛賢主宜勸令削號歸藩永綏福位朝廷當待以虞賓位  
在諸侯王上庶不負朝廷伸義討賊興滅繼絕之初心也  
昔宋人議論未定兵已渡河可為殷監取舍從違應早審

崇禎十七年八月廿一日

由松

三

史可法答

使人謂員曰。子之報讐其以甚乎。吾聞之人。亦者勝天。天定亦能破人。今子故平王之臣。親北面而事之。今至僂死人。此豈無天道之極乎。員曰。為我謝申包胥。曰。吾日暮塗遠。告故倒行而逆施之。於是包胥走秦告急。求救。秦伯使辭曰。子姑就館。包胥曰。寡君越在草莽。下臣何敢即安。立依於庭牆而哭。日夜不絕。旬。飲不入。口七日。秦伯哀之。

定。兵行在即。可東可西南國。安危在此。一舉願諸君子同以討賊為心。無貪瞬息之榮。致令故國有無窮之禍。為亂臣賊子所笑。可法答書畧曰。我大行皇帝敬天法祖。勤政愛民。真堯舜之主也。以庸臣誤國。有三月十九日之事。法待罪南樞。救援無及。師次江上。凶信突來。地折天崩。川枯海竭。嗟呼。人孰無君。雖肆法於市朝。以為池之者。戒奚足慰先帝於地下哉。爾時南中。臣民哀慟號泣。無不拊膺切齒。愿悉東南之甲。立剪凶仇。而二三老臣謂國破君亡。宗社為重。相與迎立。今上以繫中外人心。羣臣勸進。今上退然不自勝。迨臣民伏闕屢請。始進位南都。遂命汰視師。江北刻日西征。忽傳我大將軍吳三桂借兵貴國。破走逆成。

曰楚雖無道。有巨若。是之賦。無存乎。為之賦。無存。包胥九頓首而。坐。秦伯乃遣車五百乘救楚。擊吳。吳師大敗。遂復楚。

殿下入都。為我先帝后發喪。成禮。掃清官殿。撫輯羣黎。且免薙髮之令。亦不忘本朝。此舉動也。振古鑠今。凡為大明臣子。無不長跪地而頂禮加額。今辱明諭。引春秋大義。來相詰責。善哉。推而言之。此又為列國君薨。世子應立。有賊未討。不忍死其君者之說耳。若夫天下共主。身殉社稷。青

象威猛。使衆知警備。象威猛。使衆知警備。象威猛。使衆知警備。

官皇子。慘變非常。而拘牽不即位之說。坐昧大一統之義。中原鼎沸。倉卒出師。將何以維繫人心。號召忠義。紫陽綱目。踵事春秋。其間特書莽移漢祚。光武中興。丕廢山陽。昭烈踐祚。懷愍亡國。晉元嗣基。徽欽蒙塵。宋高續統。是皆於

擬度也。寔是也。征。左傳。喜公十五年。征。繕以輔。孺子。注。征。賦也。繕。治也。征。繕也。

與之本朝傳世。十六年。正統相承。自治冠帶之屬。繼絕存亡。



賦車馬治器械  
 索敵賊索盡也  
 敵賊兵也左傳  
 隱公四年敵邑  
 以賦云々古者  
 以田賦出兵故  
 謂兵為賦  
 廣池積水池  
 廣賔益稷虞  
 賔在位注虞賔  
 丹朱也堯之子  
 為賔於虞猶微  
 子作賔於周也  
 大行字秉天子  
 崩曰大行事昭  
 曰大行者不在  
 之辭  
 兩樞典斗南同  
 卓氏藻林斗南  
 謂中國天地也  
 狄仁祭北斗以  
 南一人而已樞

仁恩遐被貴國夙膺封號載在盟府殿下豈不聞乎今痛  
 心本朝之難而驅除亂逆可謂大義復著春秋昔契丹和  
 宋多輸以金繒回紇助唐原不利土地况貴國篤念世好  
 兵以義動萬代瞻仰在此一舉若夫手足膺難并同秦越  
 規此幅員為德不卒是以義始而以利終貽賊人竊笑貴  
 國豈其然乎今賊未伏天誅捲土西秦方圖報復此不獨  
 本朝不共戴天之仇抑亦貴國除惡未盡之憂伏惟堅同  
 仇之誼全始終之德合師進討問罪秦中共臬逆成之頭  
 以洩敷天之恨則貴國義聞千秋本朝固惟力是視從此  
 兩國世通盟好傳之不窮不亦千載一時哉若夫牛耳之  
 盟封本朝使臣久已載道不日抵燕奉盤盃以從事矣法

北斗第一星謂  
 之天樞  
 凶信音信也  
 凶信音來也  
 突來突忽也  
 肆法於市朝韻  
 會既刑陳尸曰  
 肆周禮注凡殺  
 久者踏諸市肆  
 之三日泄々者  
 尔雅憲々泄々  
 制法則也李巡  
 曰皆黨惡為制  
 法則也拊膺拊  
 輕擊也膺臂也  
 札雜記辟踊哀  
 之至也疏曰撫  
 膺為辟跳躍為  
 踊是哀痛之至  
 極也切齒怒甚  
 也慙願也振古  
 詩周頌振古如

北望陵廟無涕可揮身陷木戮罪應萬死所以不即從先  
 帝者寔為社稷之故也殿下伏賜垂鑒○時災異叠見又  
 廟門告灾帝深居禁中惟漢幼女飲火酒雜伶官演戲為  
 樂修興寧宮建慈禧殿大工繁費宴樂賞賜皆不以節國  
 用匱乏搜括殆盡馬士共濁亂國政邊警日備而主不知  
 小人乘時射利識者已知不堪且夕矣○十一月史可法  
 統兵抵白洋河清兵入宿遷可法救之隨拔營太○高傑  
 抵徐州時河南巡按陳潛夫告清發兵一徃山西一徃徐  
 州一徃河南豫主多鐸將從孟縣過河傑與劉澤清書云  
 清發下王子領兵齊駐濟寧開封上下北岸俱是兵眾問  
 渡甚急惟恐彼一越渡則天塹失恃長江迤北盡為戰場

茲注振極也。自極古以來已如此矣。鏢盛也。長跪。跪。狀名。跪危也。兩膝隱地。體危倪也。玉篇。跪。跪也。踞說文。長跪也。狀名。忌也。見所敬忌不敢自安也。  
 頂禮。見楞嚴經。頂戴。禮。相悅。克加。頤。相悅。克。共主。索隱曰。為天下共。亦宗主。青宮。太子曰青宮。又曰東宮。震為長子。東屬震。故立宮東方曰東宮。青東方色。故曰青宮。  
 大一統之義前

時事到此令人應接不暇。惟有殫心竭力直前以報國恩而已。○馬士英疏稱清兵雖屯河北。然賊勢尚張。不無後慮。豈遂投鞭問渡乎。况強弱何常。赤壁三萬。淝水八千。一戰而江左以定。况國家全盛。兵力萬倍於前。廓清底定。愿諸臣刻厲之也。○清副將唐起龍。其父唐虞時。致書高傑。勸其早斷。速降。有大者王。小者侯。不失如帶。如礪。世世茅土之語。傑不聽。身先士卒。沿河築牆。力備禦。時有徐州。連賊程維孔。斬木編筏。引兵渡河。偽投傑降。傑誘斬之。收其眾。○清兵至夏鎮。別由濟寧南下。又從雒陽渡河。攻海州。圍邳州。史可法。高傑。劉澤清等。各告急。不應。○十二月。都督陳洪範南還。先是洪範與左懋第等。至德州。清撫臣

漢董仲舒對策。文曰。春秋大一統者。天地之常經。古今之通誼也。春秋。魯王正月。大一統也。公羊傳。隱元年。春。王正月。言王者始受命。改制以統天下。今万物無不一於我。故春之。以為始。故言大一統。周。沸也。紫陽綱目。紫陽謂朱子。世居紫陽山下。紫陽綱目。朱子通鑑綱目也。踵繼也。不。魏曹丕。廢山陽。丕以後帝為山陽公。膺受

方太猷示以攝政王。令有來使。不必敬語。止許百人赴京。朝見。懋第欲先謁陵。後進見。多爾袞不許。乃遙祭先帝。入京。館鴻臚寺。內院剛林。責懋第等。以江南不應更立天子。懋第不屈。洪範降。懋第請祭告諸陵。改葬先帝。皆不許。乃陳太牢於寺堂。哭祭之。遂放歸。至滄州。復遣兵追執懋第等。北太放。洪範至。是歸稱清兵萬分緊急。早夕南下。馬士英惡之。曰。有四鎮在何慮焉。○時賊窺突。禹州。襄城等處。各鎮擁兵不進。惟高傑提兵二萬。大敗之。副將劉鉉。總兵劉洪起等。斬獲最多。○除夕。帝在興寧宮。色忽不怡。司禮韓贊周言。新宮宜。懼。帝曰。梨園殊少佳者。贊周泣曰。臣以陛下令節。或思阜考。或念先帝。乃作此想耶。○弘光元年

吳造  
上言  
維新  
五事

也。齊難。膺。也。幅員。詩商。頌。幅。隕既長。注。幅。猶。言。邊。幅。也。隕。讀。猶。作。員。謂。周。也。隕。縣。首。木。上。曰。隕。牛。耳。之。盟。封。字。彙。盟。歃。血。以。結。信。也。春。秋。諸。侯。會。盟。割。牲。歃。血。主。盟。者。執。牛。耳。掘。坎。埋。牲。加。載。書。而。埋。之。言。使。背。盟。者。如。此。牛。盤。孟。盛。物。器。也。禮。曲。禮。洩。牲。曰。盟。疏。割。牲。左。耳。盛。以。珠。盤。災。天。火。曰。災。漁。侵。取。也。火。酒。燒。耐。也。伶。官。樂。官。也。伶。

高陽  
王之  
明詐  
冒光  
帝太  
子

倫。古。樂。師。也。掌。樂。官。故。号。樂。官。為。伶。官。投。鞭。問。渡。乎。晉。昏。秦。苻。堅。議。大。舉。或。謂。晉。有。畏。江。之。險。堅。曰。以。吾。衆。投。鞭。於。江。可。斷。其。流。赤。壁。三。萬。曹。操。遺。孫。權。各。曰。今。治。水。軍。八。十。萬。衆。與。將。軍。會。獵。於。長。權。以。示。群。下。莫。不。失。色。魯。肅。勸。權。召。周。瑜。瑜。至。曰。請。得。數。萬。精。兵。進。往。夏。口。保。為。將。軍。破。之。遂。以。瑜。督。三。萬人。與。備。并。力。逆。操。進。過。於。赤。

正月。戶科吳造。上言維新五事。一曰信詔。二曰拔人才。三曰儲邊才。四曰伸國法。五曰明言責。疏入不省。○高傑防河。疏請重兵駐歸德。東西兼顧。聯絡河南。總兵許定國。以莫中。原定國在睢州。傑遺定國銀幣。抵睢州。定國與傑有隙。乃張宴。享傑。夜半伏兵起殺之。親兵遇害者過半。餘衆潰。還定國奔清。○加監軍衛胤文。兵部侍郎。總督傑軍。史可法請以傑部將李本身為提督。不允。○黃得功復來爭揚州。帝諭大臣當先國事。而後私憾。得功向揚州。致高營。兵將棄信。東顧設虜。渡河罪將誰任。命史可法鎮撫之。得功回汛。○二月。禮部請上先帝太子謚。曰獻愍。皇太子。永王曰永悼。王定王曰定哀。王未幾。鴻臚寺少卿高夢箕

密奏先帝太子在浙。乃召至寓僧寺。令內員迎入宮。內員歸報。不寔。傳文武官識認。大學士王鐸給事中戴共詰問之。知其詐。冒曰寔告。當救。汝即跪請救命。授以紙筆。外稱高陽人王之明。係駙馬王昺侄孫家。破南奔。遇高夢箕。家人穆虎教以詐。冒東宮。帝流涕曰。朕未有子。東宮若真。即東宮矣。明日戴共等具奏王之明偽假太子。非稚年所能辨。必有大奸挾為奇貨。宜勅法司根究。御史陳以瑞又奏。愚民觀聽易惑。道路籍籍。皆以諸臣有意傾先帝之血。胤帝諭附王之明。好生護養。勿驟加刑。俟正告天下。愚夫愚婦皆已明。然後申法。越三日。集文武百官。舉監生員耆老於午門外。鞠之。夢箕穆虎皆具服。如之明言下之明刑。

標已曾補二月

由松

三

童妃

壁瑜部野黃蓋曰操軍方進船艦首尾相接可燒而走也乃取蒙衝鬪艦十艘載燥荻枯柴灌油其中裏帷幔上建旌旗豫備走舸繫其尾先以昏遣操詐為欲降時東南風急蓋以十艘最著前中江舉帆余船以次俱進操軍皆指言蓋降去三里余同時發火火烈風猛船往如箭燒盡北船烟焰漲天人馬溺燒死者甚眾瑜等率輕銳奮鼓大進

童氏 庚死 獄中

部獄而京師士民謬以太子為非偽也○又有故妃童氏自越其傑所至命付錦衣衛監候帝初為世子有妃李氏洛陽之變亡童氏本周府宮人逃亂至蔚氏縣遇帝於旅邸相依生一子已六歲賊破京師帝南奔各不相顧太妃與妃各依人自活之南妃故在帝不召至是自來帝不悅馬士英言苟非至情所關誰敢與陛下稱敵體宜迎童氏歸內密諭河南撫按迎致阜子以慰臣民之望以清奸宄之心童氏在獄細書入宮月日相離情事呈覽帝棄太弗視尋命屈尚忠嚴刑酷拷童號呼詛罵遂度死獄中○三月許定國引清兵入儀封李本身劉洪起馳斬定國先鋒劉道行清兵入考城尋破歸睢巡按御史凌駟死之清兵

左良 王乞 誅馬 士英

北軍大環操走

涇水八千八千當作八萬晉秦苻堅議大舉遂發長安戍卒六十餘萬騎二十七萬晉以謝石為征討大都督謝玄為前鋒都督督眾八萬拒之石等水陸繼進堅登壽陽城望見晉兵部陳嚴整又望見八公山草木皆以為晉兵憮然有懼色秦兵逼淝水而陳玄使人謂曰移陳小却使我兵得渡以決勝負可乎

進逼江北直陷徐顛總兵李成棟南遁○四月寧南侯左

良玉舉兵東下馳疏上言馬士英奸邪亂國政列其七木

罪乞誅之又傳檄聲其罪中外囂然士英大懼京師戒嚴

時左良玉兵由九江安慶至建德順流而下調黃得功劉

良佐離汎遣劉孔昭阮大鍼等同禦之劉澤清亦托勸王

率兵南行揚泗徐碭勢同鼎沸史可法連疏告警帝曰上

游急則赴上游北兵急則赴北兵自是長策可法曰上游

不過欲除君側之奸原不敢與君父為難若北兵一至宗

社可虞不知輔臣何意朦蔽至此乃移書士英懇其選將

添兵士共惟以左兵為慮不應○時帝惟以選淑女為急

先是應天府選三名不中司禮監又選六名亦不中特遣

橫計地補

堅欲聽晉兵半渡感之磨兵使却秦兵退不可復止朱序在陳後呼曰秦兵敗矣遂潰玄等乘勝追擊秦兵大敗走者聞風聲鶴唳皆以為晉兵至堅狼狽還長安後秦主甚執而殺之

大者王小小者侯前漢各田橫傳田橫故齊王田氏之族秦末自立為齊王漢將灌嬰敗橫軍遂平齊地橫懼誅與其徒居海島高帝召之曰橫來大者王小者

史可法戰死

帝出奔馬士英奉太后走浙

候注師古曰大者謂其長率即橫身也小者其徒屬也如帶如礪漢吞功臣表封爵之誓曰使黃河如帶泰山如礪國以永存爰及苗裔注應劭曰封爵之誓國家欲使功臣傳祚無窮也帶衣帶也礪礪礪石也河當何時如衣帶山當何時如礪石言如帶礪國尤永存以及後世之子孫也太山小如礪石黃河小如衣帶此必無之理也王

降身被數創自到死妻楊氏媳郝氏從之○明日帝召羣臣問遷都計禮部尚書錢謙益言不可馬士英請調黔兵入衛辦走貴陽吳希哲等力諫乃止○召黔兵一千二百名入城住鷄鳴山房○左良玉舉兵不數日病死子夢庚東下至采石為黃得功等所敗尋聞清兵信急引還○五月清兵既破揚州沿江問渡惟靖虜伯鄭鴻逵一旅守於京口清兵編筏張燈向鎮江而別由老鶴河渡盡抵南岸鄭兵揚帆東道○初十日閉京師各城門晝晦大風猛雨午後猶集梨園入內演戲帝與諸內臣襍坐酣飲二鼓出奔五鼓馬士英奉太后召黔兵護衛走浙黎明內門不閉官女襍走於是各官奔竄○竹城伯趙之龍閉各城門以

票已曾補

由松

二九

者封建諸侯以  
此為誓極言享  
國長久  
茅土漢制天子  
大社以五色土  
為壇封諸侯者  
取方面土苴以  
白茅授之故謂  
之授茅土  
需專也後編竹  
渡水曰筏  
梨園綱目唐玄  
宗開元二年置  
左右教坊舊制  
雅俗之樂皆歸  
太常上以太常  
禮樂之司不獲  
典倡優雜伎乃  
更置左右教坊  
以教俗樂又選  
樂工宮女數百  
人自教之謂之

待清兵居民競殺城內外黔兵無有逸者○有監生趙某  
率市人百眾出王之明於獄擁入官中登殿鳴鐘百官莫  
有至者王之明指示皇城畧云先皇帝丕承大鼎惟茲臣  
庶同共甘苦胡天不祐慘罹奇禍凡有血氣裂眦痛心泣  
予小子今宜殉國思以君父大仇不共戴天阜祖基業汗  
血匪易忍垢匿避圖雪國恥幸文武先生迎立福藩予惟  
先帝之哀奔投南都寔欲哭陳大義不意巨奸障蔽至櫻  
桎梏予雖幽獄無日不痛絕也福王聞兵遠遁先為民望  
其如高皇帝之陵寢何泣予小子父老人民圍抱出獄擁  
入皇宮予身負重寃豈稱尊南面之日乎謹此布告在京  
勳舊文武先生士庶人等念此痛懷勿惜會議予當恭聽

帝囚  
於江  
寧縣

高帝梨園弟子  
宮女數百亦為  
梨園弟子  
維新詩大雅周  
雖旧邦其命維  
新注言周國雖  
旧至於文王能  
新其德以及於  
民而始受天命  
也  
核典覈通考其  
實得實也聯絡  
總不絕也奠定  
也  
詐冒前漢衛青  
傳曰冒姓衛氏  
注冒為假抹若  
人首之有覆冒  
也接接也授也  
供解言白罪狀  
也籍々語也  
好生各大禹謨

共抒臯歎勿以前日有不識予之嫌惜爾經綸之教也○  
帝駐太平府二十里外黃得功阮大鍼等來見欲入太平  
太平民不納往蕪湖總兵官黃賦卿遁登中軍翁之琪舟  
將往浙○清豫王多鐸已薄都城趙之龍同王之明出降  
多鐸入京劉孔昭劉澤清遁劉良佐降奉多鐸命追帝至  
蕪湖及之且呂黃得功得功不從良佐伏弩射中得功喉  
得功創甚拔劍自刎良佐挾帝去翁之琪投水死帝見多  
鐸於內守備府尋囚於江寧縣多鐸分兵畧定各屬張捷  
楊維垣等前後殉難者數十人○前遣使臣左懋第在北  
聞江南陷七日不食清攝政王多爾袞召見數之懋第不  
對惟請一死命薙髮堅不肯遂殺之題絕命詩有云峽坑

好生之德洽于民心  
拷打也瘦死瘦  
當作瘦集句囚  
以飢寒而死曰  
瘦前漢宣帝紀  
氏曰瘦病也囚  
徒病律名為瘦  
調凡選吏用人  
屬役賦支皆謂  
之謂  
汎猶鎮也淑善  
也該正字通俗  
借為該當之赫  
猶言宜也凡支  
應如此曰該  
血奏刺手指以  
血吞奏文也唐  
各方敬儒刺血  
寓浮屠吞斷手  
二指也

巢封歸路賒片雲南下意如何寸丹冷魄消難盡蕩作寒  
烟總不磨○清豫王多鐸既定江浙挾帝及王之明歸北  
京閏六月唐王立于福州

帝聿釗太祖後也封南陽為唐王初以父歿失愛於祖兩  
叔謀奪嫡未得請名及祖端王薨守道陳竒瑜知府王之  
柱為之請嗣後以統兵勤王擅離南陽錮高墻會赦出性  
率直喜詩書手草傳檄五月清兵渡江南都弗守總兵官  
鄭鴻逵鄭彩撤師回閩會唐王從河南來奉之俱南至福  
州與福建巡撫張肯堂巡按御史吳春枝禮部尚書黃道  
周南安伯鄭芝龍等共會議立之為監國王鴻逵請正位  
不然無以壓衆心而杜後起芝龍意別有在固諍以為不

鄭氏  
貴振  
于七  
閩

媳俗謂子婦曰  
媳音信也  
一旅五百人謂  
一旅演延也  
穰集也黎明黎  
比也黎明比明  
也相著也  
示以吏告人曰  
示大鼎帝位也  
忍垢猶言忍耻  
櫻繫也為民望  
孟子寇至則先  
去以為民望注  
為民望言使民  
望而效之  
抒引而出也  
猷道也識予  
論語居則曰不  
吾知也注人不  
知我冷魄冷清  
甚也蕩精神散

可不數日即定議即帝位改福州為天興府○六月封鄭  
芝龍為平虜侯鄭鴻逵定虜侯其他進官有差於是數求  
耆碩招選賢才閣臣至三十餘人然俱間無事不令票旨  
皆帝親為之○時内外文武濟々然兵餉戰守機宜專諉  
鄭芝龍為政芝龍幼習海知海情凡海盜皆故盟或出門  
下自就撫後海船不得鄭氏令旗不能往來每一船例入  
三千金歲入千萬計芝龍以此富敵國自築城於安平鎮  
艦船直通卧內其守城兵自給餉不取於官旗幟鮮明戈  
甲堅利凡賊遁入海者檄付芝龍取之如寄以故鄭氏貴  
振于七閩芝龍有弟芝虎勇冠軍昔征劉香沒於海次鴻  
逵次芝豹俱為侯伯下門聲勢烜赫東南芝龍有子森芝

鄭森

也。磨韻會通作。摩揚子方言。摩滅也。

錮重繫也。率直。任意不拘也。

宵苦等切。者。碩。充。六十曰耆。碩。充。實也。票。肯。票。典。標通。濟。々。然。盛。兒也。諉。前。漢。各。賈。誼。傳。尚。有。可。諉。者。注。諉。託。言。也。烜。赫。烜。光。明。也。落。魄。師。古。曰。失。業。無。次。也。倣。儻。卓。異。也。倣。奇。也。尚。方。監。掌。供。御。器。物。駙。馬。尚。公。主。稱。駙。馬。葉。塹。築。城。塹。塹。也。塹。遠。城。下。池。也。

賜鄭森國名改

初見

龍初落魄去之日。日本娶倭婦生森。數歲芝龍歸福建。就撫以收劉香功。遷都督。于是森在倭已七歲矣。芝龍屢請得之。森風儀整秀。倣儻有大志。每東向而望其母。常為李父芝豹所窘。叔父鴻逵獨偉視。為讀書頴敏。不治章句。先輩王觀光。一見謂其父曰。是兒英物。非而所及也。十五補弟子。貞至是年二十三。陛見帝。奇之。撫其背曰。惜無一女配卿。卿當盡忠吾家。無相忘也。賜姓朱。改名成功。封御營中軍都督。賜尚方劍儀同駙馬。自是中外稱國姓。是年日本送歸其母。○李自成南走到辰州。清兵進攻之。自成營羅公山。倚險築塹。為久屯計。勢彌盛。食盡。逃者益眾。自成自將輕騎抄掠清人。設伏邀之。殺傷幾盡。自成以數十騎突

倣字典俗誤以。徑為倣字。倣凡。弟子也。

流寓流轉寄寓也。

音覺

走村落中求食。邨民共擊殺之。倣李過僅奪其屍滅一邨。而還。以袁冕葬之。羅公山下賊諸將奉李過為首。渡湖入險山中。羣盜俱散亡。○八月。粵西有靖江王者。稱監國。帝詔至。不服。舉兵將東。廣西巡撫瞿式耜令總制丁魁楚為備。戰大敗之。擒靖江王及其黨械至福州。俱斬於市。○先是清兵入浙。潞王以城降。蘇松巡撫祁彪佳。左都御史劉宗周等死之。原任太學士高弘圖。流寓紹興城外。逃至野寺。不食死。○時馬士英率所部奉弘光帝母妃。至紹興。紹人士猶未知弘光帝所在。原任九江僉事王思任。上疏請斬士英。○原任山西僉事鄭之尹。子鄭遵謙。與張國維。方逢年等。迎立魯王於台。朱大典亦遣孫珏。上表勸進。魯王

原已曾補

律例

卷二



標記地補不日史明卷之四

星馳謂戴星而  
發行

趨聚也  
鞭長不及昏言

浙閩  
成水  
火

故支鞭長不及  
馬腹言不可為  
左傳宣公十五  
年楚伐宋宋告  
急於晉晉侯欲  
救之伯宗曰不

監國紹興國維首疏參馬士英悞國十大罪士英懼不敢  
入朝時逢年國維等俱為太學士遵謙封義興伯國維督  
師江上賜尚方劍行事命御史陳潛夫監各藩鎮兵馬復  
富陽于潛等兵馬雲集會閩中領詔至諸求富貴者爭欲  
應之監國下令返台士民惶惶國維星馳上疏於帝謂國  
當木變凡為高皇帝子孫臣庶所當同心併力成功之後  
入關者王監國退居藩服禮誼昭然且監國當人心奔散  
之日鳩集為勞一日南拜正朔鞭長不及猝然有變唇亡  
齒寒悔莫可追臣老臣也豈若朝秦暮楚之客哉疏出議  
始定而浙閩成水火○鄭芝龍開府於福州坐見九卿權  
勢振于朝宰相半出門下集廷臣議戰守兵自仙霞關而

鄭芝  
龍日  
官典  
文

可伯宗也晉古人之  
有言雖鞭長及用其  
言馬不難長及用其  
推天方授楚言其以  
腹方授楚言其以  
勢之盛乃不可楚言  
天授之盛乃不可楚  
與爭之盛乃不可楚  
唇亡齒寒唇亡齒寒  
故芝龍有相國左  
言勢有相國左  
傳傳公五年晉  
候復假道於真  
以伐虢宮之奇  
諫曰虢恃真之表  
也為言虢恃真之表  
以言為言虢恃真之  
車相依唇亡齒寒  
寒者相類也唇言也  
輔則車相類也唇言  
其七則車相類也唇  
之言虢恃真之表也  
滅亡之唇虢恃真之  
也虢恃真之表也唇  
同既如口也

外宜守者一百七十處每處守兵多寡不等給餉不足芝  
龍令撫按以下皆捐俸助餉又借徵次年錢糧又大驚官  
爵於是娼優厮隸盡列冠裳然猶苦餉不足所招關門兵  
不過疲瘡數百人耳時廷臣請出關者章滿公車帝亦欲  
躬履行間而芝龍日以缺餉為辭○隆武元年正月鄭芝  
龍日與文官忤然帝心知芝龍不可恃卒無以制之芝龍  
亦以不出關無以壓眾心乃令兵為二聲言萬人實不滿  
千人令鄭鴻逵鄭彩出浙東江西帝做淮陰故事築壇郊  
拜而送之既出關疏稱餉缺駐不行詔書切責不得已踰  
關行四五百里而還○黃道周請募兵江西江西多其子  
弟願俱效死軍前鄭芝龍不與一錢帝給空劄百函為行

卷之四

隆武元年

隆武元年

公車漢官儀曰

公車掌殿司馬

門天下上吏及

徵召皆總領之

聲言宜也前

漢高帝本紀

是時羽兵四十

萬號百萬沛公

兵十萬號二十

萬注師古曰兵

家之法不言實

數皆增之

帝微淮陰故吏

云々前漢各韓

信傳蕭何曰諸

將易得至如信

國士無雙王必

欲爭天下非信

無可與計吏者

於之扶日齋戒

設壇場具禮拜

伯忠成封  
孝功朱

資而已。道周以劄號召門下得百人。居吉安。出兵徽州。為清兵所擒。械送江寧。道周絕粒不食。積十四日。不死。清內院洪承疇惜其才。疏救。清主不允。尋駢斬於市。○蔣德璟自請行。關察情形。相機督戰。帝許之。比至。則疲兵弱卒。朽甲鈍戈。一無可為。德璟告病。太而戶部尚書李長倩以餉不繼。憂死。泉州知府鄒式金見事不可為。予告去。○吏部郎中趙五成與尚書張肯堂同籍江南。疏言。臣等生長海濱。請以水師千人。從海道直抵君山。襲取金陵。以迎陛下。計陛下陸行。期同會於金陵。帝大喜。亟催鄭芝龍造船。芝龍笑諾。事不果。○封朱成功。忠孝伯。成功一日見帝。愁坐泣奏。曰。陛下鬱々不樂。得無以臣父有異志耶。臣受國厚

鄭芝龍通淸

為大將後為淮

陰候劉典札同

駢並也

督教戒也

予告居官不視

吏也

艘船總名

扞衛也

拜表通鑑注謂

拜上表不及開

詔命而遂行

堰以土壅水也

恩義無反顧。臣以死扞陛下矣。○二月。帝決意親征。駐建寧。帝意欲往江右。猶豫未定。而鄭芝龍固請回省。省中人數萬呼擁。謂絕天下望。因駐蹕劍津。當是時。兵羸餉絕。當事無談及兵事者。舉朝如夢如醉。不待識者而知其敗壞矣。○淸江南招撫使洪承疇。福建招撫使黃熙胤。皆晉江人。與鄭芝龍同里。芝龍密遣使微行通款。而疏稱海寇猖至今。三關餉取之。臣取之海。無海則無家。非遠征不可。拜表即行。中使手勅云。先生稍遲。朕與先生同行。及之河。則飛帆過。延平矣。芝龍既太守關。將施福盡撤兵。還安平。聲言缺餉。○三月。淸兵驅船開堰入江。監國魯王防之。張國維命王之仁統水師。從江心襲戰。是日東南風大起。之

當當作費持也

使也

抽引也

仁揚帆奮擊之。國維督諸軍渡江。會帝使陸清源賚詔至。江犒師。馬士英、方國安斬之。且出檄文數。帝之過國維曰：禍在此矣。○四月，杭州固守堅不可克。監國議抽兵屬張國維西征。命禮部尚書余煌督師江上。○五月，清貝勒王屯兵北岸，用大砲擊南營，碎其中厨鍋灶。方國安曰：此天奪吾食也。更念帝曾以手勅相招入閩，必大用，即不支便道可退。入滇黔，夜遂拔營走至紹興。陳兵劫監國南行。江上諸師聞報俱潰。鄭遵謙携貲入海。惟王之仁一軍尚在。將由江入海。張國維與之仁議抽兵五千分守各營。之仁泣曰：壞天下事者非他人，方荆國也。清兵數十萬屯北岸，倏然而渡。孤軍何以迎敵之？仁有船可入海，公兵無船。

賈財也

倏忽也

清江

振旅收也。旅衆也。

扈後從曰扈。殊示殊音諸朱書也。

速當自為計。國維乃振旅追扈。監國余煌大張殊示，盡啟九門放兵民出走。畢正衣冠赴水死。○六月，清兵渡江，方國安、馬士英計獻監國降清。乃遣人守監國守者，忽病監國得脫。登海船，傳命張國維過防四邑。遂過東陽。○清兵破義烏，至七里寺。張國維具衣冠南向再拜曰：臣力竭矣。作絕命詩三章，從容赴園池死。王之仁載其妻妾並兩子，婦幼女諸孫盡沈於蛟門下。獨至松江，見內院洪承疇，自請就戮。西市。兵部侍郎陳函輝、王思任等十四人殉難。馬士英、阮大鍼等猶擁殘兵，數請入關。帝以其罪大不許。士英遁至台州，山寺為僧。隨為清將搜獲。阮大鍼迎降。方逢年、方國安等剃髮俱降。○八月，帝自鄭芝龍、太後乃定計。

倉皇失意兒

曝日乾也

貝勒  
斬帝  
及后  
於市

幸贛州。抵順昌。聞清兵已及。劔津且踵至。倉皇騎而奔。從行者止。何吾騶郭維經朱繼祚黃鳴俊數人。已而何與郭亦散去。帝將入贛州。因停一日。曝龍鳳衣。清兵至。擒帝后及從。駕朱繼祚黃鳴俊械至福州。貝勒斬帝及后於市。繼祚為亂兵所殺。鳴俊許授五品官。以老疾辭。○先是清兵至順昌。搜龍扛得馬士英阮大鍼方國安父子。方遊山連名請駕出關。為內應。疏在已降後。大鍼遊山自投崖死。仍戮尸。士英等四人駢斬延平城下。家眷百餘口悉給賜兵丁。○九月清別遣李成棟韓固山畧興泉汀邵漳州等處。皆陷之。太學士蔣德璟絕食死之。初清兵未至泉州。鄭芝豹先至。閉城門。大索薦紳富民餉。不應即梟之。至縛親家。

清貝勒  
以書  
勸招  
鄭芝  
龍

不勝天兵強勝  
人強勝天  
投明  
歸正  
統謂  
投明

母於庭。抵暮得數萬金。俄而韓固山兵至。芝豹奔安平。朱成功母不去死之。○十月鄭芝龍保安平。軍容烜赫。戰艦齊備。以前遣洪黃之信未通。猶豫未敢迎師。又自恃先撤關兵。無一矢相加。有大功於清。而兩廣素屬部下。若招兩廣以自效。閩廣總督可得猶南面王也。貝勒合泉紳郭必昌與芝龍最厚者。招之。芝龍曰。我非不忠於清。恐以立王為罪耳。會韓固山兵逼安平。芝龍怒曰。既招我。何相逼也。貝勒聞乃退。固山離安平三十里。而軍以書招之。其略曰。吾所以重將軍者。以將軍能立唐藩也。人臣事主。苟有可為。必竭其力。力盡不勝天。則投明而事。乘時建不世之功。此豪傑事也。若將軍不輔立。吾何用將軍哉。且兩粵未平。

西元己酉補元月史略卷之四

律制

三十一

商度也

鄭芝龍降于清

一彼一此孟子  
彼一時此一  
時也注彼前  
日此今日

本愿愿誠也

鄭成功率  
入海部

今鑄閩粵總督印以相待吾所以欲將軍來見者欲商地  
方人才故也芝龍得書大喜其子弟皆勸芝龍入海魚不  
可脫於淵不願降成功泣諫曰父教子忠不聞以貳且北  
虜何信之有芝龍曰喪亂之天一彼一此誰能常之若幼  
惡識人事遂進降表至福州貝勒握手甚歡折矢為誓命  
酒飲三日夜半忽拔營起遂挾之而北矣從者五百人皆  
別營不得見亦不許通家信芝龍謂貝勒曰北上面君乃  
龍本愿但子弟多不肖今擁兵海上倘有不測奈何貝勒  
曰此與爾無與亦非吾所愿芝龍既行朱成功乃率所部  
入海芝龍嘆曰成功不來清朝其道敝乎使君憂者必此  
子也成功雖遇主列爵實未嘗一日與兵柄意氣狀貌猶

文廟先師文廟  
孔子廟也唐禮  
樂志曰明皇開  
元二十七年詔  
夫子稱先聖可  
謚曰文宣王  
文移漢各注文  
各移於屬縣也

儒生也迺悲歌慷慨携所著儒巾襴衫赴文廟焚之拜先  
師曰昔為孺子今為孤臣向背本留各有作用謹謝儒服  
高揖而去與所善陳輝張進施琅施顯陳霸洪旭等願從  
者九十餘人乘二巨艦去收兵南澳得數千人文移稱忠  
孝伯招討大將軍罪臣國姓鄭彩鄭鴻遠亦率所部入海  
○張肯堂沈猶龍等亦往舟山依魯王○福建既陷十月  
永明王立于肇慶

帝由榔桂王之子為神宗嫡孫初封衡陽以寇亂徙寓梧  
會桂王已薨永明在袁經中先是福州既失兩廣總督丁  
魁楚與廣西巡撫瞿式耜會議監國兵部尚書呂大器等  
自閩至共謀立之以肇慶府署為行官推置僚署有差魁

署官舍曰署

標記

楚大器俱為大學士○十一月福建舊相蘇觀生等遁回  
 廣東與布政使顧元鏡擁立隆武帝弟唐王聿錫監國年  
 號紹武會贛州敗書至司禮太監王坤趣駕移梧避之瞿  
 式耜謂今日之立為祖宗雪仇耻正宜奮大勇以踣遠近  
 苟自懦外棄門戶內竄蕭牆國何以立爭之不得遂移梧  
 州尋還肇慶乃遣兵科給事彭燿往廣州諭之譬曉倫序  
 監國前後國家仇讐利害觀生等殺燿於市日集兵向肇  
 慶○十二月清總兵李成棟陷廣州擒唐王并周王益王  
 遼王等盡斬之誅獲觀生遂發兵往南韶而親下肇慶瞿  
 式耜聞報請視師督戰士駐峽口王坤復請西避之式耜  
 爭之不聽遂駕小艇上西峽○永曆元年正月朔駕至梧

肅嚴正之見  
 大也

州時丁魁楚從梧西走岑溪王化澄走潯州隨行者止瞿  
 式耜一人耳○李成棟攻陷肇慶隨發副將楊文甫張月  
 領兵攻高雷廉三部乃一鼓而入梧州廣西巡撫曹燁出  
 降○二月帝抵桂林瞿式耜肅殿陛勅守禦誕告楚蜀各  
 鎮○朱成功投師歸自南澳舊衆稍集泊鼓浪嶼與鄭彩  
 鄭聯所踞廈門浯洲隔帶水廈門者中左所也浯洲者金  
 門也隸同安為兩島數出兵沿海郡邑大震○丁魁楚在  
 岑溪屯兵千餘清人招之不降清人乃水陸設伏大戰丁  
 兵敗魁楚中箭死濕江平樂及高雷廉三府俱降于清○  
 三月清兵渡海陷瓊州警報叠至王坤又趣駕往楚瞿式  
 耜上疏爭之言勝敗存亡山川要害甚激切不聽仍請無

瞿式耜 孤危 焦璉 守城

嬰守 嬰猶縈也 謂環兵以固守 之也 餐 啖也

已身留桂乃命式耜留守桂林各路悉秉節制式耜乃請  
暫駐駕於全州以扼楚粵之中○四月清兵薄桂林衝入  
文昌門城中大恐時焦璉自全州歸從數人控弦提刀與  
清兵接戰稍却之清兵屯陽朔式耜與璉危城孤守疏請  
全州徵安國公劉承胤兵承胤發兵數千援桂未幾承胤  
甚橫脅劫帝幸武崗式耜疏留全陽議不合承胤諸部挾  
餉不出兵與璉兵主客不和譁變擊闕掠市而去帝竟駐  
武崗○五月清兵偵兵變積雨城壞環攻桂城東士皆無  
人色焦璉負創奮臂大呼督師分門嬰守用西洋銃擊中  
馬騎尋出城戰奮勇擊殺自辰抵午不及餐瞿式耜括署  
中米蒸飯分哺之士卒俱樂用命明日復出戰清兵旋太

犄角 左傳襄十 四年譬如捕鹿 晉人角之諸戎 犄角之執其角 也犄牽倒也 固圍 左傳隱公 十一年聊以固 吾圍注圍邊垂 也 底定 底止也 爾 雅底底者在物 之下是亦止也 國士 一國無雙 之士也 播遷 也

式耜先令路將馬之驥伏於隔江犄角接應固圍倍慎三  
月之內危於清亂於兵式耜下手指揮底定璉久將桂得  
桂人心式耜與國士遇之故獨得璉死力○瞿式耜上疏請  
返蹕全陽不聽乃督焦璉復柳潯及梧州具疏上言粵西  
全定請還桂林時清兵陷長沙而衡州相繼失武崗復敗  
帝播越入粵次柳州式耜屢疏極言不可他移一步柳州  
搖擗襍處地瘠民貧不可久駐時會土司覃鳴珂與道臣  
龍文明構兵帝復次象州式耜與督師何騰蛟等籌畫刻  
期出師全州戰勝諸帥連營而軍清兵因次楚○十月  
帝自象州抵桂瞿式耜與嚴起恒並相○二年二月何騰  
蛟督師出全兵不睦焦璉下平樂郝永忠壁興安未幾永

皇々如有所求而不得之意  
周章懼危

忠營被襲至闕欲撤兵左右禁近刻期欲帝遷式耜持不可言督師警報未至二百里外風塵而遽使主露所耶播遷無寧曰國勢愈弱兵氣愈難振民心皇皇復何依哉左右禁近周章不能止夜半駕已行矣潰兵肆掠蹂躪公署職官無一得免式耜被逼登舟至於漳水港刑部侍郎遠生給事中丁時魁等俱至式耜集遠生等入民屋立草檄分路四發暫駐陽朔催捷兵上援督師騰蛟自永寧至璉自平樂統兵至式耜復入桂署○三月清兵疑桂城空虚直抵桂北門何騰蛟督兵三面禦之清兵渡甘棠去○帝駐南寧詔旌瞿式耜賜銀幣又賜精忠貫日金圖書一枚式耜念南寧蠻鄉不可久駐日為帝清道督勲鎮將士直

石室卓氏藻林  
御史中丞有石室以藏秘笈

取全州○四月皇子生冊為太子赦天下詔曰萬喜瞿式耜念無講官經筵不御石室塵封何由聞得失手書八箴於扇進之○五月督師何騰蛟復全陽○六月清總兵粵東李成棟歸順具疏迎駕又江右金聲桓據南昌遣使奏降疏兩粵稱全土瞿式耜疏請徃桂帝竟由梧州入肇慶○三年正月清兵破湘潭何騰蛟死之信豐南昌相繼敗李成棟金聲桓皆歿於陣帝設壇掛帛拭涕親祭專命瞿式耜留守督師○三月朱成功募兵于銅山攻漳浦屯分水關○四月清遣使貽書招瞿式耜式耜不從○七月帝遣使至島封朱成功為延平公○四年正月南雄不守韶州亦陷帝震恐戒舟西上瞿式耜疏留之不聽遂移德慶

戒舟戒猶命也



宋成 功并 鄭聯 軍

兩島吾家至軒  
陸宋大祖我江  
南徐鉉入奏曰  
江南無罪上怒  
曰江南亦有何  
罪但天下一家  
卧榻之側豈容  
他人鼾睡乎榻  
狀也狹而長謂  
之榻鼾睡熟而  
有也言我封  
內豈不當容許  
叛者也  
勅以法威力控  
制人曰勅  
錢矛也  
威稜日愴漢各  
李廣傳威稜瞻

抵梧州○六月朱成功入潮州先是鄭鴻逵踞潮之揭陽  
邀成功入揭陽時兩島為鄭彩鄭聯所踞其將章雲飛恣  
肆不道成功密與諸部計曰兩島吾家卧榻之側豈容人  
鼾睡迺嚴部勸自揭陽揚帆抵廈門聯不虞乃出見交拜  
極歡成功笑曰兄能以一軍見假乎聯未對諸執銳者前  
矣唯唯惟命諸軍薈伏莫敢動成功已并聯軍威稜日愴  
海上軍皆屬焉可四萬餘人彩率所部南遁○十一月清  
兵薄全州入嚴門守兵不戰四潰城中大亂沿道駢掠瞿  
式耜令戰不得衣冠危座署中適總督張同敞自靈川回  
遇式耜曰事迫矣公將奈何式耜曰封疆之臣知有封疆  
封疆既失身將安往同敞曰公言是矣敞當共之遂笑與

瞿式 耜絕 命詩

乎鄰國注神靈  
之威日稜瞻猶  
動也

頭絲 白髮也

眷親屬也

式耜飲家人泣請出危城召諸勳再圖恢復式耜揮太不  
從厥明被執見清定南王孔有德式耜以死自誓不復下  
言孔有德命幽式耜同敞於別所式耜賦詩日與同敞賡  
和遂遇害其絕命詩云從容待死與城亡千古忠臣自主  
張三百年来恩澤久頭絲猶帶滿天香○帝復去上南寧  
入土虜嚴起恒王化澄等皆隨去○十二月清兵陷廣州  
鎮帥江寧伯杜永和奔瓊州○五年正月朱成功謀接杜  
永和率眾而南二月舟次平海衛是時清將馬得功偵兩  
島無守備攻廈門陷之鴻逵棄揭陽回島攻圍得功得功  
欲退不得謂鴻逵曰公等眷皆在安平脫得功不出恐不  
利公家鴻逵患之乃逸得功四月成功至自平海得功太

失律易師卦。初六師出以律。本義曰律法也。程傳律謂号令節制也。行師之道以号令節制為本。所以統制於衆也。懷慄。懷驚也。慄懼也。

編馬鞭也。傳矢傳。麗著也。矢著弓也。搃擊也。敷音茹。弓滿也。

枕籍人多死亡。曰枕籍。頰也。頰也。老疲也。

兩日矣。成功大悔恨。按失律罪殺鄭芝莞。芝莞成功從叔。守島者也。諸將懷慄。兵勢復振。鴻遠泊白沙築寨。以居五月。成功攻南溪。敗之。十二月。攻漳浦及海澱。清守將楊世德。陳堯策。郝文興等皆降。○六年二月。朱成功攻長泰。清副將王進。與中提督甘輝。遇于北溪。二人俱雄健。聞于軍。久念決雌雄。迺奮楫。傳矢以兩馬。相當輝搃進。則隱之。進。穀輝亦落之。自巳向午。縱橫跌宕。既而兩家兵至。于是迺解。進入長泰。輝日夜攻克之。進與數十騎出走。郡城漳浦屬邑俱下。○五月。清總兵馬逢知來援。突入郡城。朱成功圍之不下。城中食盡。人相食。枕籍死者七十餘萬人。十月。清援兵大至。乃解圍去。成功久頰堅城。師老糧匱。乃收兵。

朱成功防清兵于海澱

雉堞。城上女垣也。堵垣也。敵樓。言望敵之樓也。贊助也。

砍音坎。擊也。

鄭芝龍。朱成功之父。

高祖。漢典楚皆軍廣武羽為高。

保海澱。○帝在安隆所。封李定國為西寧王。破清定南王。孔有德于桂林。敬謹王尼堪于衡州。○七年五月。清兵攻海澱。城壞百餘丈。朱成功親立雉堞。督衆堵禦。左右死者層積。成功與諸將飲敵樓。矢礮雨下。指揮自若。大呼曰。天尚贊我。無落吾事。須臾下息。礮碎其座。一夕忽空砲。迺發。成功謂諸將曰。賊將臨城。勒兵持斧以待。清兵渡濠入郭。大呼登城。衆舉斧砍之。清兵死傷填濠。大敗。宵遁。澱守益堅。○八年五月。清遣使招朱成功。為海澱公。成功不從。數出兵。縱橫福興泉漳等郡。十月。清復遣使招之。成功不從。清主怒。寘鄭芝龍于高俎。成功不顧。十二月。攻漳州。清守將劉國軒。朴世用等降。屬縣十邑俱下。乘勝畧泉州屬邑。

祖置太公漢父三  
其上告漢王曰  
不急下吾烹太  
公注祖所以薦  
肉示欲烹之故  
置祖之上  
淫畧淫過也貪  
也畧師古曰凡  
言畧地謂行而  
取之也又不以  
道取曰畧  
金門不言故支  
注金門也三  
輔黃圖金門門  
官者署在未央  
宮諸舍武帝  
得大宛武西  
名馬以銅鑄象  
立於署門因以  
為名

成功軍律明肅無所淫略分所部為七十二鎮令六官分  
理庶事改中左所為思明州以鄧會知州事奉監國魯王  
盧溪王寧靖王居金門凡諸宗室厚給贍之禮待避墜薦  
紳王忠孝等軍國大事時以諮之凡所便宜封拜輒朝服  
北向誓首望行在疏而焚之○九年朱成功數出軍六月  
取安平鎮漳州及惠安南安同安三邑十一月清定遠大  
將軍庶子王入閩成功回島○十年正月庶子王略沿海  
攻兩島大敗而還六月朱成功將北略尅日解纜臨期部  
將黃梧賴明等陰降于清諸軍潰去甘輝聞亂進攻不勝  
遂從成功破閩安鎮逼福州○十一年三月帝在雲南鄭  
鴻逵卒于浯洲朱成功回島○十二年帝遣使航海晉朱

颿與帆同

成功延平郡王甘輝崇明伯其他拜爵有差七月成功議  
大舉取南京部署諸將甲士十七萬習流五萬習馬五千  
鑿人八千號八十萬戈船八千揚颿北上至浙江攻樂清  
等州縣克之○十三年五月帝在永昌朱成功至崇明諸  
將請先取崇明為老營成功不聽七月至焦山謂諸將曰  
瓜鎮為金陵門戶須先破之授諸將機宜自督親軍進中  
提督甘輝左提督翁天祐等建大將旗鼓直擣瓜洲清將  
朱衣祚左雲龍等率滿漢騎兵一萬會戰成功麾軍大進  
右武衛周全賦率兵登岸直破清陣斬雲龍于橋下衣祚  
奔城正兵鎮韓共奪門而入登城樹幟全賦望之麾軍疾  
進陷西北隅以入搜殺清兵皆盡遂進取蕪湖亂揚子趣

亂絕流而渡曰

歷代通鑑輯覽卷之四

御

四十一

先聲孫子曰先聲而後實聲宜也

鎮江壘于銀山清兵數萬萃而攻之不動駐騎射如雨成功發火砲多鼓鈞聲廊瓦皆動清兵大北鎮江屬邑皆下成功乃令張煌言楊朝棟等招撫江南江北于是當州徽州池州太平滁和六合等州郡多欲附者蕪湖縣清守兵皆遁甘輝曰瓜鎮為南北咽喉但座鎮此斷瓜洲則山東之師不下南都不勞而定矣成功不聽率師登舟進取金陵檄四方八月舟至觀音門登岸軍於獅子山度營壘令將士分屯諸山成功屯岳廟甘輝曰夫兵貴先聲彼我寡擊其未定宜拔若彼集禦固君必悔之成功不聽輝退而告人曰吾不復此矣既而清兵薄前鋒營統領余新擊敗之遂輕敵無備成功聞之令人馳讓新猶如故清副

踢以足躐物也戰手左傳公戰其手注抵手屈肘如戰形

碇鎮舟之石

將梁化鳳襲其營新不及甲倉皇出走遂就禽成功遣軍馳援已無及矣明日清兵出步卒擣中堅成功率親軍擊敗之清兵數萬從山後出薄左前鋒營將士轉戰三合三却遂敗走諸將萬禮林勝等皆陣歿成功麾軍急退爭舟而渡獨甘輝且戰且走至江騎能屬者三十餘人凡所擊殺數十百人馬躐被獲至城南金水橋余新方屈膝輝怒踢之戰手罵不屈死最烈十月成功還島祠忠臣廟以甘輝為第一曰吾早從甘輝之言不及此○十四年五月清將軍達素總督李率秦部令滿漢軍攻兩島朱成功自勦諸部扼海門傳令諸將碇海中流按軍不動清船迨至諸軍倉卒受命莫敢先發清兵乘之副將陳堯策等死焉東

朱成 功取 臺灣 遷之

風盛猛清船既得上流成功自手旗起師引巨艦橫擊之  
風吼濤立一海皆動北人不諳水眩暈不能軍僵屍布海  
大敗而退竟成功之世無覆島者○十五年帝在緬甸朱  
成功自江南喪敗地蹙軍孤念帝蒙塵于外存亡不可知  
第做天祐天復故事孤持正朔乃議取臺灣遷之臺灣為  
土蕃部族在南紀之曲東倚層巒西迫巨浸北之雞籠城  
與福州對峙南則河沙磯小琉球近焉周袤三千餘里孤  
嶼環瀛相錯如繡物產之利畊耘並耦日用之需無所不  
有固東南之一大聚落也鄭芝龍嘗居之未久而去荷蘭  
人來盤踞其地諸將以險遠為難談極日而不決成功意  
錢揆舵東甲遂行三月泊澎湖狗曰眡吾鷓首所鄉至鹿  
振船揆診也通

朱成 功改 臺灣 為安 平鎮

作矣舵共控同  
玉篇正船木也  
設於船尾  
鷓首為鷓首舟也  
舟頭為鷓首揚  
子方言注鷓鳥  
名也今江東貴  
人船前作青雀  
是其象也正字  
通畫鷓首怪獸  
以懼江神  
寧字寧安宇居  
也  
燁音葉

耳門則水驟漲丈餘木小戰艦橫縱畢入紅夷大驚以為  
自天而下成功以手加額曰此天所以哀孤而不委之壑  
也天赦孤臣必有寧宇矣引兵登岸克赤嵌城荷蘭戰不  
利退保王城○清主福臨殂是為世祖第三子玄燁嗣位  
改明年為康熙元年十月棄鄭芝龍于紫市子孫在京者  
皆戮之遷各省沿海邊界居民以絕接濟十二月朱成功  
復攻王城因風縱火燒其夾板告之曰此地迺先人故物  
珍瑤不急之物悉聽而歸地歸我兵始罷荷蘭乃降送之  
歸國諸土酋皆受約束改臺灣為安平鎮赤嵌城為承天  
府總曰東都縣曰天興萬年成功既聞清遷界令下嘆曰  
使吾狗諸將意不自斷東征得一塊土英雄無用武之地

示已... 月... 日... 卷... 四

軸鄰

四十五

朱成 功起 學官 于臺

披猖縱烈見  
銷鋒銷鏢也鋒  
謂兵史記秦始  
皇紀收天下兵  
聚咸陽銷以為  
鐘鏢  
辟明也  
物土方物相度  
也周禮若以時  
取之則物其地  
國而授之注物  
地占其形色知  
鹹淡也草人以  
物地相其宜而  
為之種  
亂金左傳曰晉  
魏顆武子之子  
初武子有嬖妾  
無子武子疾命  
願曰必嫁是疾

朱成 功卒 于臺

病則曰必以為  
殉及卒願嫁之  
曰疾病則亂吾  
徙其治也  
赴此計通告春  
也  
桑梓計各言故  
里詩小旻菡維  
桑梓注桑梓  
二木名古者五  
畝之宅樹之墻  
下以遺子孫給  
蚕食具器用者  
也言桑梓計桑  
梓父母所植故  
保父母國也  
昭明也遂巡却  
退見稅音脫孟  
子不稅冕而行  
苑表苑表地名  
恐當作箕裘各

帝崩 朱經 猶奉 朝稱 永曆

帝崩于瀆城赴音至朱經猶奉朝稱永曆始鄭泰  
潛結黃昭拒經事露經乃伴置酒邀泰縊殺之泰子縉弟  
鳴駿亡歸清將士先後歸清者多矣于是清主銳意南掠  
令將士分道疾進經令部死士禦之眾寡不敵退守銅山  
清兵入島墮兩城棄其地收其寶貨婦女而北兩島之民  
爛焉自是之後親族兵將木抵皆降于清獨有陳永華馮  
錫範等及經還臺大小庶事悉委永華永華為政頗雜儒  
雅與民休息改東都為東寧分諸將土地修菟裘視無西

雅與民休息改東都為東寧分諸將土地修菟裘視無西

矣沿海萬里盡委棄之使甲廬井墟墳墓無主寡婦孤兒  
望哭天末惟吾故之以今雖披猖亦復何用但收拾餘燼  
銷鋒灌燧息兵休農待天下之清未晚也迺立興汰辟刑  
獄起學官計丁庸養老幼物土方臺人大集鄭氏遂安○  
十六年朱成功長子經居島頗耽聲色與乳媪通生子成  
功治家嚴肅聞之大怒遣使至島諭鄭泰監殺經及經母  
董以教兒不謹也諸部大驚又知成功病革或亂命不從  
謀保全五月延平郡王招討大將軍朱成功卒于臺灣年  
三十九臺人以其弟襲為講理六月成功赴至島經嗣位  
清靖南王耿繼茂遣人招諭泰等議曰先藩連年用兵徒  
苦父老東行之時猶令權宜通好今日當為桑梓計請經  
經曰吾將東諸君善圖之議炤朝鮮事例遣人通好不報  
十月經帥師往臺灣黃昭奉襲拒經經射昭殪衆遂巡稅  
甲經遂入臺收殺主謀者餘寘不問待襲如初○十七年  
清康熙 帝崩于瀆城赴音至朱經猶奉朝稱永曆始鄭泰  
潛結黃昭拒經事露經乃伴置酒邀泰縊殺之泰子縉弟  
鳴駿亡歸清將士先後歸清者多矣于是清主銳意南掠  
令將士分道疾進經令部死士禦之眾寡不敵退守銅山  
清兵入島墮兩城棄其地收其寶貨婦女而北兩島之民  
爛焉自是之後親族兵將木抵皆降于清獨有陳永華馮  
錫範等及經還臺大小庶事悉委永華永華為政頗雜儒  
雅與民休息改東都為東寧分諸將土地修菟裘視無西

甲經

西

吳三桂 于清

言故吏承祖父  
所業謂其表之  
業。禮記學記良  
冶之子良。善  
者。必學為表。  
良者。必學為善。  
於者。必學為其。  
疏曰。善治之子  
其子弟。見其父  
兄陶鎔金。鈇使  
之。柔合以補治  
破器。故此子弟  
能學為表。表補  
續獸皮。片片相  
合。以至完全也。  
箕柳箕也。善為  
弓之家。使。幹角  
撓。屈調和成弓。  
故其子弟亦觀  
其父兄世業。學  
取柳條和軟撓  
之成箕也。應氏

曰。冶鑛難精而  
裘軟易細。弓勁  
難調而箕曲易  
製。皆自易而至  
於難。自粗而至  
於精。習之有漸  
而不可驟進。學  
之以類而不可  
泛求。是之謂有  
志矣。  
爛。火熟曰爛。孟  
子。爛其民。注  
。爛其民。使之  
戰。國。爛其血  
肉也。

意○十九年清康熙甲午年清令水師提督施琅攻臺灣。船至外  
洋。為颶風飄散。不克而還。○二十三年清康熙八年春。清主遣  
入招諭朱經。不從。清亦不敢加兵。經令其將往來島上。互  
市。○二十七年清康熙十一年十一月。清平西王吳三桂據雲南  
四川貴州以叛。○二十八年清康熙十二年三月。清靖南王耿精  
忠據福建。亦叛。馳數騎傳檄七建。皆下。授提督王進功等  
將軍。官勢威頗振。遣使入臺。請濟師。四月。清潮州總兵劉  
進忠以城降于精忠。精忠調海澄總兵趙得勝。兵得勝不  
從。與將士議奉朱經。經以陳永華為留守。總制率侍衛馮  
錫範。兵官陳繩武。史官洪磊等渡海而西。授得勝興明伯  
左都督。自經東遷。偃武息民。兵甲鈍敝。船不滿百。軍不滿

萬。精忠頗易之。經遣人說精忠。借漳泉二府為召募。精忠  
難之。于是耿鄭交惡。五月。經取同安。清守將張學堯降。精  
忠懼。以都尉王進守泉州。六月。王進攻于藩錫。誘殺泉州  
城守賴王。兵民多從藩錫者。遂逐進。納款于經。經乃入泉  
州。授藩錫指揮使。盡委國事。七月。清兵圍潮州。精忠不能  
救。進忠亦納款于經。經遣舟師援之。以進忠為定虜伯。前  
提督九月。精忠命王進取泉州。十月。經命將士敗進于塗  
嶺。追至興化而還。吳三桂禮曹周文驥使經。平耿鄭。○二  
十九年清康熙十四年正月。耿精忠遣使于朱經。議和。以楓亭為  
界。五月。右武衛劉國軒入潮州。與左虎衛何祐及劉進忠  
兵數千人。狗屬邑之未下者。清平南王尚可嘉。兵十餘萬。

設騎馬軍弓手

曰設騎

驍音候

盡銳來攻相持久國軒食盡議退守潮可嘉麾設騎晨掩  
祐軍戰于蠻母山下祐以身先旗直貫驍騎出其左右國  
軒繼之大敗清軍追奔四十餘里斬首二萬捕虜七千驍

藉死者徧滿山谷國軒威名震于南粵六月經帥諸將圍

漳州黃芳度芳度清海徵公梧子方經之至島陽為受命

陰通于清事泄於是經圍之芳度盡力防戰十月克之芳

度投井而死○三十年清康熙十五年二月清平南王尚之信降

于吳三桂三桂讓惠州于朱經劉國軒入踞之九月清兵

入閩耿精忠降其守將馬成龍以興化款于經初精忠思

與鄭氏併力已而不協清擊其外鄭擊其內前後跋扈卒

至于敗○三十一年清康熙十六年正月趙德勝何祐拒清兵于

跋扈詩狼跋狼跋其尾注跋躡也胡領下懸肉也

踰也老狼有胡進而躡其胡則退而踰其尾

興化城下清兵縱火間祐疑得勝貳于清而不扶師潰得

勝戰死興化遂陷泉漳二州亦潰朱經退入島六月劉國

軒棄惠州入島經以國事委國軒今年吳三桂病死○三

十二年清康熙十七年二月朱經授劉國軒中提督揚帆入鎮門

壁碧湖戰于赤嶺清總督郎廷相等按兵漳上泉福潮三

州兵後先來援國軒數戰皆敗之遂取平和漳平圍海澄

六月清主以布政姚啓聖為總督趣諸軍援激次葛布山

隔帶水相望而已圍中食盡城破提督段應舉自經清兵

自縊死者甚衆國軒軍威益熾遂取長泰同安七月乘勝

圍泉州八月清令兵五路剋期援泉州九月國軒帥二十

一鎮與清兵戰于龍虎山大敗亡師五千國軒尾所乘馬



泗音因洋行水上也

泗河以道○三十三年清康熙十一年二月朱經敗清兵于定海

一月清兵攻蕭井寨不克而還十一月清姚啟聖開第于

漳州曰修來館不愛官爵銀幣招誘之漳泉人多降○三

十四年清康熙十一年正月清水師提督萬正色大會舟師攻島

進逼海壇朱經命左武衛林陞左鎮朱天貴等禦之望清

軍畏其衆棄海壇而退陞令數舟取水寮邏諸戎舡望風

而潰海上諸鎮多降于清正色遂陷兩島經率諸將復入

臺灣○三十五年清康熙二十一年正月延平郡王世子朱經卒于

臺灣凡經嗣位十九年奉永曆正朔佩招討大將軍印稱

世子無所受命也長子克盛螟蛉子也原姓李經嬖妾林

養之經莫知也及經西克盛為監國克盛嚴毅頗倣成功

朱經卒于臺灣

滅字  
螟蛉子也  
昏言  
故夏養人子曰螟蛉詩小宛螟

蛉有子土螟小蛉精求

也蜂負而小

土蜂負而小

腰取蜂負而小

於中空教誨兩子

七日教誨兩子

為其子教誨兩子

之得子以教誨兩子

○楊子以教誨兩子

子殫而逢螺蛉之

情殫而逢螺蛉之

去之類我則肖之矣

也久則肖之矣

諸弟畏之迨經敗東還以國付克盛亡何經卒諸弟揚言曰克盛非吾骨肉一旦得志吾屬無遺類經母董氏命收監國印幽殺克盛于別室立次子克塽克塽幼髮初覆額授劉國軒武平侯馮錫範忠誠伯八月董氏卒○三十七年清康熙二十一年清以萬正色為陸路提督施琅為水師提督大舉南侵劉國軒督精兵二萬守澎湖令林陞丘輝等約眾二萬集于雞籠嶼大戰清兵不利琅集矢于目而退以甲裳裹首集諸將申軍令自總兵以下皆按以失律罪諸將蒲伏祈請以立功自贖兵氣復振陷虎井嶼乃誓師分為八隊琅自統一隊居中調度國軒發火矢噴筒燔焰怒張清兵乘銳夾擊自辰至午兵氣益厲國軒軍敗林陞丘

西示己曾甫元月史略卷之四

由郎

白九

術桂  
死節

腰以上為甲衣  
下旅腰以下為  
甲裳

蒲伏與匍匐同  
以手行也

噴筒噴吐氣也  
饗與餉同正字

通今俗軍糧曰  
饗

環當作環韻會  
周回也前漢高

帝紀守濮陽環  
水注決水以自

環守為固也

田橫故吏前漢  
田橫狄人故齊

王田氏之族秦  
末自立為齊王

漢將灌嬰敗橫  
軍遂平齊地橫

輝等皆戰死大小戰艦二百餘艘燒亡餘衆多降于清國  
軒知勢不敵急乘走舸佚去澎湖既陷琅給降卒四千餘

人以饑米傷未及死者醫治送還臺灣大震寧靖王術桂  
自以明家龍種義不可辱迺具冠服招臺人從容別飲投

縲以死臺人為流涕八月琅統舟軍至鹿耳門國軒馮錫  
範何祐等奉克塽迎降克塽嗣位二年時年十五琅禮待

克塽及諸將帥歸之燕京清主授克塽漢軍公至康熙三  
十九年清主念朱成功明室遺臣非吾亂臣賊子特賜成

功及子經歸葬南安如田橫故事

右明自太祖洪武元年戊申至帝由榔永曆十七年

癸卯凡二十世二百九十六年而亡後鄭氏奉永曆

正朔二十年通計三百十六年而明曆盡

懼誅與其徒居  
海島中高帝召

之延與其客二  
人乘傳詣洛陽

謝使者曰橫始  
與漢王俱南面

稱孤今王為天  
子而橫為亡虜

其愧已甚遂自  
頭令客奉其頭

奏之高帝為之  
流涕以王札葬

之

之

之

之

之

之

增補元明史略卷之四畢

跋元明史略後

右元明史略一書者。吾友後藤子。續十八史畧而所輯錄也。蓋採諸舒弘諤之書。而旁及衆家。以補其逸益其闕。參互考訂。始克成編。噫。亦可謂勤矣。夫紀載之浩瀚。節而傳之者多。雖然。或辭鬱而不暢。或事疎而不明。徃徃有之。但以幾千百載之事。能括乎數卷之間。鎔鑄貫穿。成一家言者。獨曾氏史略而止耳。今此書亦倣其體裁。則其於元明之事。雖本末纖悉。固有不備。然其大綱。足以可觀。而君之昏明。政之得失。臣之賢佞。誠可得而識焉。然則與曾氏史畧並駕於

海內使窮鄉晚進之士不博披史籍而通古今於旦暮者未必不藉是書也。豈亦為無補哉。刻新竣功將施于世。於是乎後藤子需題片言於卷末。余喜其書之成。遂跋而贈之云。

辛未之冬十二月日

東都 直學士藤原明遠

元明史畧補跋



春秋之書。山宗華卑。夷法固嚴矣。

考其世蹟。周室式微。吳楚僭王。

於是孔子因舊史。纂修之曲。

刑萬世。益以感傷。不可止也。往

高松儒臣芝山後藤氏據明徐弘  
諤古今全史作元明史畧三卷事  
甚簡明華夷盛衰歷歷可徵  
實有益之書也哉藤欽若讀  
其書恨易畢篇取諸史策增

補之釐為四卷以來負學者其  
功可嘉夫後藤氏之作蓋有思  
春秋之典刑也欽若之補亦應  
非無所思也余今閱之則知孔  
子稱管仲之仁之意矣抑亦

夷狄有<sub>レ</sub>君。諸夏之<sub>レ</sub>亡<sub>ニ</sub>噫。

享和辛酉仲秋日

栗原野翁巖垣彦明撰



寶曆元年辛未十一月原  
版  
明治七年六月 官許改刻  
同 八年十一月十四日版權免許  
同 十八年一月廿六日再版御届  
同 同年三月五日刻成發兌

定價金壹圓

標註者

奧野精



京都府平民

伏見第四組新町四丁目四百四十七番地


京都府平民

出版人

藤井孫兵衛



上京區第三十組御幸町姉小路  
大文字町三百四十八番地



特56

25

會通元明